

EKITUNDU 2

ABAWANGUZI

Olw'ekibala Ky'omwoyo



EKITABO KY'OMUSOMESA
Eky'emyaka Gyonna

ABASOMESA BAFFE ABAAGALWA,

Tusaba Katonda abawe omukisa nga mu muweereza n'okutuusa obusumba eri abaana okwetoloola ensi. Mukola eky'enjawulo era mukyusa obulamu emirembe n'emirembe!

Tulina ekyewuunisa gy'oli. Oyinza okuba nga weewandiisa kubeera musomesa wa Ssande Sikuuru, naye omulimu gwo kati oli MUTENDESI! Guno omwaka tugenda kusoma Baibuli nga tutambulira ku muzannyo gw'ebikonde era tusuubira okunyimirwa eby'emizannyo. Omusomesa omwagalwa, tandikirawo kati! Bera omutendesi so si musomesa kisobole okukuwa amaanyi okufaayo ennyo eri buli muyizi ali mu kibiina kyo n'enkola ye nga bw'alwana okufuuka omuwanguzi.

Tujja kuba nga tusoma ekibala ky'Omwoyo. Wabula, si kutunuulira kibala kyokka, naye n'ebyonoono by'omubiri ebilwanyisa ekibala ky'Omwoyo. Omulimu gwo gwa kuyamba bayizi bo okufuuka abawanguzi. Okukola kino, tebalina kukwata bukwasi nyiriri n'okuyiga engero za Baibuli, wabula balina n'okuteeka mu nkola ekibala ky'Omwoyo mu bulamu bwabwe obwa bulijo. Nga tusinziira ku muzannyo gw'ebikonde, abayizi bwe babeera mu kibiina kyo ekya Ssande Sikuuru, tuteebereze nti baba bali mu kutendekebwa. Baba mu kukajuza n'okuyiga ebikwata ku Katonda n'okulwanyisa ekibi. Ekkansa yo ly'ettendekero.

Abayizi bo bwe babeera wabweru mu nsi, baba bali "mu lingi"! Eno gye bajja okulwanyisiza obwagazi bw'okwonoona. Amaka gaabwe n'amasomero z'empaka n'ennwana z'ebikonde. Kino kiri bwe kityo kuba bwe tubeera ku kkanisa ffena tuba twefuula batuukirivu. Toleka mwana yenna kulowooza nti asinze omuzannyo mbu lwakuba akwata nnyo eby'okusoma ku kkanisa. Okwo kuba kutendekebwa. Okulwana okutuufu kuli mu bulamu bwe. Asobola okuwangula emizannyo singa assa mu nkola emisomo gy'aba ayize mu ssabbiiti.

Omulimu ogusembayo ng'omutendesi waabwe kubawa empeera n'okubazzaamu amaanyi bwe bawangula. Tegekayo ebirabo eby'okugaba. Bawe akafumito oba okubayozaayoza olwa buli ng'uumi, oluzannya oba oluwana lwe bawangula. Enneeyisa gy'onosiima gye bajja okukulaga kuba abayizi bo bajja kuba baagala okukusanyusa ng' omutendesi waabwe.

Tusuubira nti ojja kunyimirwa okwambala nga omutendesi, okutimba ekibiina kyo nga ettendekero n'okutegeka emikolo eg'y'obuwanguzi. Obuwanguzi mu kuwangaalira ku kibala ky'Omwoyo bujja kujja eri omwetegefu okukola ennyo okusinga abalala nga bwe kibeera mu by'emizannyo. OSOBOLA okuyamba abayizi bo okukola n'amaanyi okufuuka abawanguzi. Bakkiririzeemu nga abalala bagaanye era ojja kulaba nga Katonda akola ebyamagero mu bulamu bwabwe!

Tusaba Katonda akuwe amaanyi nga weetikka obuvunaanyizibwa obw'okutendeka abayizi bo mu



kibala ky'Omwoyo. Tukusabira osobole okumenya buli muziziko oguteekebwa ku basomesa ba Ssande Sikuuru era ofuuke omutendesi omutuufu mu bulamu bw'abayizi bo.



Mu Kristu, Ow'oluganda Kristina



EKIPANDE KY'EBIRIMU

Ennyanjula	- - - - -	1
Okusiima	- - - - -	2
Mu Bimpimpi	- - - - -	3
Enkozesa Y'ebikozesebw Bino	- - - - -	5
Essomo 1	- - - - -	9
Essomo 2	- - - - -	11
Essomo 3	- - - - -	13
Essomo 4	- - - - -	15
Essomo 5	- - - - -	17
Essomo 6	- - - - -	19
Essomo 7	- - - - -	21
Essomo 8	- - - - -	23
Essomo 9	- - - - -	25
Essomo 10	- - - - -	27
Essomo 11	- - - - -	29
Essomo 12	- - - - -	31
Essomo 13	- - - - -	33

EKITUNDU 3: Okukkiriza
Obuwombeefu
Okwegendereza



Abaana
Kikulu

ABAANA KIKULU
www.ChildrenAreImportant.com


Emisomo gaya "Olugendo Olutaliiko Kkomo" giwandiikkidwa obusumba bwa "Abaana Kikulu" era byonna bisigala byaffe. Ebikozesebw byaffe bya bwereere okufuna, okukuba ku mpapula, okukoza, n'okusaasaanya eri amakanisa n'obusumba bwonna nga teweetisse buvunaanyizibwa.

Okumanya ebisingawo tutuukirire ku:
info@childrenareimportant.com or 52-592-924-9041 (Mexico)

Okusiima kugenda eri tiimu yonna.
Omukangaanya: Kristina Krauss

Tiimu Y'abawandiisi: Dwight Krauss, Flor Boldo, Jennifer Sánchez Nieto, Julio Sánchez Nieto, Mike Kangas, Monserrat Duran Díaz, Rubén Darío, Suki Kangas, ne Vickie Kangas.

Tiimu Y'abavvuunuzi: Ali Atuha, Aline Xavier, Annupama Wankhede, Aroma Publications, Blessie Jetender, Blessy Jacob, Carla Mayumi, David Raju, Ephraim Njuguna Mirobi, Finny Jacob, Jacob Kuruvilla, Jetender Singh, Marcos Rocha, Mathew Das, Nassim Bougtaia, Paul Mwangi, Paul Septan, Rubina Rai, Sabrina Benny John, ne Subtitleme (Helen).




ABA WANGUZI

EKITUNDU 2

OBUGUMINKIRIZA

1

OBUGUMINKIRIZA VS.
OBUTAGUMIIKIRIZA
Olugero lwa Baibuli: Ennyana eya zzaabu
Okuva 32



OLUNYIRIRI LW'OKUJJUKIRA

“Nga tuyinzisibwanga n'obuyinza bwonna,
ng'amaanyi ag'ekitiibwa kye bwe gali,
ol'w'okugumiikiriza kwonna n'okuzibikiiriza
awamu n'okusanyuka.” Abakkolosaayi 1:11

2

OBUGUMINKIRIZA VS. ENNAKU
Olugero lwa Baibuli: Yobu agumiikiriza
mu kubonaabona kwe
Yobu 1-2



OLUNYIRIRI LW'OKUJJUKIRA

“Eryo lye ssanyu lyange bwe
mbonyaabonyezebwa: Kubanga
ekigambo kyo kinzuukizizza.”
Zabbuli 119:50

3

OBUGUMINKIRIZA VS. AMALALA
Olugero lwa Baibuli: Kabaka
Nebukadduneeza
Danyeri 4



OLUNYIRIRI LW'OKUJJUKIRA

“Enkomerero y'ekigambo esinga
obulungi okusooka kwakyo: alina
omwoyo ogugumiikiriza asinga alina
omwoyo ogw'amalala.” Omubuulizi 7:8

4

OBUGUMINKIRIZA VS. OBUSUNGU
Olugero lwa Baibuli: Dawudi, Nabali
ne Abbigayiri
1 Samwiri 25



OLUNYIRIRI LW'OKUJJUKIRA

“Musunguwalenga so
temwonoonanga: enjuba eremenga
okugwa ku busungu bwammwe.”
Abaafeeso 4:26

5

OBUGUMINKIRIZA VS.
OKWEGWANYIZA
Olugero lwa Baibuli:
Manu n'enneyama y'obugubi
Okuva 16:1-18



OLUNYIRIRI LW'OKUJJUKIRA

“Era nammwe mugumiikirizenga; munywezenga
emitima gyammwe: kubanga okujja kwa Mukama waffe
kuli kumpi. Temwemulugunyanga, ab'oluganda, mwekka
na mwekka, muleme okusalirwa omusango: laba,
omusazi w'emisango ayimiridde ku luggi.” Yakobo 5:8-9

EKITUNDU 2: OLW'EKIBALA KY'OMWOYO

“Naye ebibala by'Omwoyo kwe kwagala, okusanyuka, emirembe,
OKUGUMIIKIRIZA, EKISA, OBULUNGI, okukkiriza, obuwombeefu,
okwegendereza: ku biri ng'ebyo tewali mateeka.” Abaggalatiya 5:22-23

6

EKISA VS. OKUGERAGERANYA
Olugero Iwa Baibuli: Kabaka
 Sawulo ne Dawudi
 1 Samwiri 18:5-16



OLUNYIRIRI LW'OKUJJUKIRA

“Naye buli muntu akemenga omulimu gwe ku bubwe; alyoke abeere n’okwenyumiriza ku bubwe yekka so si ku bwa mulala.” Abaggalatiya 6:4

7

EKISA VS. OBULIMBA
Olugero Iwa Baibuli: Peetero yeegaana
 Yesu
 Matayo 26:31-35, 69-75



OLUNYIRIRI LW'OKUJJUKIRA

“Saatuulanga wamu na bantu abataliimu; So ssiiyengirenga wamu na bakuusakuusa.” Zabbuli 26:4

8

EKISA VS. OKWESAMBA
Olugero Iwa Baibuli: Luusi ne Nawomi
 Luusi 1:8-22



OLUNYIRIRI LW'OKUJJUKIRA

“Tommanga birungi abo abagwanira, Bwe kiri mu buyinza bw’omukono gwo okubikola.” Engero 3:27

9

EKISA VS. ETTIMA
Olugero Iwa Baibuli: Eseza awonya abantu be
 Eseza 3-5



OLUNYIRIRI LW'OKUJJUKIRA

“Era nange nze ntegeeredde ddala ebyammwe, baganda bange, nga nammwe mujjudde obulungi, mujjudde okutegeera kwonna, nga muyinza n’okubaaliriragana mwekka na mwekka.” Abaruumi 15:14

10

OBULUNGI VS. OBUTAFAAYO
Olugero Iwa Baibuli: Sodoma ne Ggomola
 Olubereberye 18:16-33



OLUNYIRIRI LW'OKUJJUKIRA

“Ayagala okuzirika agwana mukwano gwe okumukola eby’ekisa; Era n’oyo aleka okutya Omuyinza w’ebintu byonna.” Yobu 6:14

11

OBULUNGI VS. OBUBI
Olugero Iwa Baibuli: Kerode ne Yokaana Omubatiza
 Lukka 3:18-20, Matayo 14:1-12



OLUNYIRIRI LW'OKUJJUKIRA

“Va mu bubi, okolenga obulungi; Noonyanga emirembe, ogigobererenga.” Zabbuli 34:14

12

OBULUNGI VS. EBIRUUBIRIRWA BY’OKWEGULUMIZA
Olugero Iwa Baibuli: Omunaala gwa Baberi Olubereberye 11:1-9



OLUNYIRIRI LW'OKUJJUKIRA

“Temukolanga kintu kyonna olw’okuyomba newakubadde olw’ekitiibwa ekitaliimu, wabula mu buwombeefu buli muntu agulumizenga munne okusinga bwe yeegulumiza yekka.” Abafiripi 2:3

13

OBULUNGI VS. OBUKYAFU
Olugero Iwa Baibuli: Yusufu ne Potifali
 Olubereberye 39:1-21



OLUNYIRIRI LW'OKUJJUKIRA

“Kyetuva tubasabira ennaku zonna, Katonda waffe abasaanyize okuyitibwa kwammwe, era atuukirize n’amaanyi buli kye mwagalal eky’obulungi na buli mulimu ogw’okukkiriza.” 2 Abasessalonika 1:11

ENKOZESA



ENNYIMBA

Ekiibaana kyo kitandike n'ennyimba empya era buli omu asitukire mu mazina. Funa ennyimba okuva ku mukutu gwaffe era muyige amazina agali mu butambi.



KATEMBA

Kulwa katemba anyuma buli ssabbiiti, funayo bannakatemba babiri b'ónokozesanga buli ssabbiiti: Willie Omugezi ne Fred Omusiru. (Osobola okukyusa amannya gabwe bw'oba oyagadde.) Tunulamu mu ssomo era ogaziye ebirowoozo bya katemba okutambulira ku ssomo n'ókubikkula amaaso g'abaana basobole okusika ekifaananyi ky'olugero lwa Baibuli. Okukozesa abazannyi beebamu buli ssabbiiti kijja kusembeza ekifaananyi kya katemba kumpi n'ekyo eky'obulamu obwa ddala era kinyumise omwaka nga abaana beyongera okumanya Willie Omugezi ne Fred Omusiru. Bakolere ebyambalo ebyangu okuleka ku kkanisa n'ókwambala. (Gamba nga enkofiira ne ggalubindi.)



OBULIMU BW'OKUTWALA AWAKA (MU LINGI)

Mwogere ku kalimu k'okutwala awaka aka ssabbiiti ewedde era obawe aka ssabbiiti eddako. Obulimu buno buli mu bitabo by'abayizi ne ku kaadi z'emizannya. Abayizi bo bajjukize nti abo bokka abakola obulimu buno bebasobola okufuuka abawanguzi. Tewali kuffe aija kufuuka muwanganzi lwakugenda mu kkanisa n'ókukwata Baibuli wabula tulina kugikolerako. Tukusaba okole obubinja obutonotono obuwe abatendesi abajja okuyamba okulondoola abayizi mu kukola obulimu buno. (Laba ebisingawo mu katundu akawata ku bubinja.) Okukola akalimu k'awaka omulundi gumu mu ssabbiiti tekija "kukuba eri" kibi nga eng'uumi emu bw'etasobola kusuula ku ttaka omuzannyi w'ebikonde. Eky'ókulabirako kino kijja kulaga abayizi nti bwe baba baagala kufuuka abawanguzi balina okukasuka eng'uumi eziwera mu buli ssabbiiti. Abatendesi bagambe okulondoola eng'uumi abaana zebakasuka mu ssabbiiti era baletewo okuvuganya. Buli bwokola okalimu akakuwereddwa eyo eba ng'uumi. Okunyumisa ekintu, koza bino ebika by'eng'uumi: jaabu, huuku, kurosi ne apakaati.



ESSOMO EKKULU

Bw'omala okwanjula essomo, genda ku lugero lwa Baibuli. Kakansa nti ogenda mu Baibuli okufuna olugero mubujuvu kuba lwonna teluli mu katabo kano. Bwe mumala okuyiga olugero, kakasa nti mukwata ku ssomo ekkulu n'enkozesa yalyo mu bulamu. Ku nkomerero y'essomo, musome olunyiriri lw'ókujjukira era musabire wamu.



EBITABO BY'ABAYIZI

Saasaanya ebitabo by'abayizi ova empapula eziriko essomo. Yamba abayizi abakalubiriddwa obukunizo kuba ebitabo bya ssande sikuuru tebirina kuba bizibu wabula kunyuma. Abaana basobola okusiba ne ggaamu ebintu bye baagala ku mpapula zabwe. Ku bayizi abato ebintu nga omuceere, pamba ne langi bisobola okuwunda empapula zabwe ez'okusiiga. Ku bayizi abakulu ebitabo byabwe bisobola okukola nga dayare mwe bawandiika ebirowoozo byabwe era basobola bbo okukwasizaako tiketi, ebinusu n'ebintu ebirala ebibajjukiza okukola obulimu obubaweeddwa.



ENTEEKATEEKĀ

1. ENNYIMBA

EDDAKIIKA 30

2. KATEMBA

3. ESSOMO EKKULU

EDDAKIIKA 30

4. EBITABO BY'ABAYIZI

5. OBULIMU BW'OKUTWALA AWAKA

EDDAKIIKA 30

6. EBITABO BY'ABAYIZI

7. EBIBUUZO N'ENNYANUKULA

EBIRALA-EDDAKIIKA 30

8. KAADI "Z'OKUJJUMBIRA"

AKAZANNYO K'OLUNYIRIRI

LW'OKUJJUKIRA

Obuzanno obuli mu nteekateeka eno bwa kuyiga olunyiriri lw'okujjukira olwa buli ssabbiiti. Kozesa obuzanno obukuwereddwa oba leka abayizi bo balonde obwo obubanyumira okuzannya. Tegeka buli ekyetaagisa mu kuzannya buli kazannya konna.

EBIBUUZO N'ENNYANUKULA (BY'ABAYIZI ABAKULU)

Mu limu ebibuuzo bisatu mu buli ssomo okusobola okutakula obwongo bw'abayizi bo. Ebibuuzo bino by'abavubuka (myaka 13-15) naye osobola okubigezesa ne ku bato okulaba oba bina leetawo okwogerezeganya. Ekikulu kya kuleetera bayizi bo okulowooza. Kino okukola tolina kubawa nnyanukula ya bibuuzzo mangu. Buli bwe bamala akadde nga balwana ku nsonga, baba balowooza era ggwe nga omusomesa oba okola bulungi. Bwe balemara ku nsoga nebagikubaganyaako ebirowoozo, ggwe oba okola! Singa abayizi bona badda ku luuyi lumu olw'ensonga, yingizawo oluuyi olw'okubiri basobole okulowooza n'okwogerezeganya.



MU LINGI

Wandiikira Katonda ng'omwebaza olw'ekintu ekikubonyaabonnyezza. Gezaako okwogera nga Yobu bwe yagamba, "Mukama y'awa, era Mukama y'aggyawo; erinnya lya Mukama lyebazibwe." Wa obujulizi eri banno mu kibiina bw'oba osobola.

KAADI Z'OKUJJUMBIRA

Gaba ekirabo ky'okujjumbira nga eno ye kaadi eriko olulwana lwa ssabbiiti eyo. Abayizi bo baagazise okujja nga mu ssande sikuuru okumala omwaka mulamba era okung'aanye kaadi zabwe ku nkomerero ya gwo. Kaadi zino osobola okuzifuna ku mukutu gwaffe era ne bazikukubira ku kasente akatono. Kaadi zino osobola n'okuzikozesa okuzannya akazanno k'lunyiriri lw'okujjukira nga bw'otabaganya obulimu obukwatagana n'ekyonoono.

ABATENDESI



OBUBINJA OBUTONO

Ekibiina kyo kyawulemu obubinja obutono abayizi bo basobole okukola obulimu bwa buli ssabbiiti. Enteekateeka za ssande sikuuru ezisinga zibbeera ku kkanisa era tezetaagisa bulimu bwa kutwala waka. Naye abayizi bo tebasobola "kukuba eri" byonoono nga bayita mu kusoma kwokka. Balina okuyingira "Mu Lingi" nebalwanyisa ebibi bye basanga mu ssabbiiti. Mazima bwewataba abalondoola, kino kiba tekijja kusoboka. Tomala gakkiriza bwe bakugamba nti obulimu baabukoze. Bw'olagajala eri enteekateeka eno, ojja kuba otendeka bayizi bo kukulimba. Naye, tebeerezamu nange singa mubutuufu otendeka abayizi bo era n'okakasa nti bakola obulimu bwobawadde, ojja kulaba enkyukakyuka mu bulamu bwabwe. Mu mwaka gumu gwokka, ojja kukyusa obulamu bwabwe. Abayizi bo bajja kuba nga tebakwatabukwası ekibala ky'Omwoyo wabula bajja kuba nga BAKITAMBULIRAKO!


Okutambuza obubinja buno, tukoze obutabo bw'abatendesi n'akatabo komutendesi omukulu. Obutabo bw'abatendesi buli kamu ka mwezi gumu n'ekibala kimu eky'Omwoyo. Omutendesi omukulu ye akataboke kalimu obulimu ob'ekitundu kilamba eky'emyezi 3.



OBUVUNAANYIZIBWA BW'ABATENDESI

OMUTENDESI:

- Tendeka abaana 3-5.
- Sisinkana abayizi eddakiika 5 nga ekibiina tekinnatandika n'olvannyuma lwakyo buli ssabbiiti osobole okubazzaamu amaanyi okuba abawanguzi.
- Kuba essimu ova weereza obubaka eri abayizi okubajjukiza okukola obulimu. (Kikole olwokubiri)
- Kuba essimu ova weereza obubaka eri abayizi bakubuulire nga bwe bitambula. (Kikole olwokutaano)
- Laba entambula y'emirimu mu kibinja kyo era otegeeze omutendesi omukulu buli ssabbiiti.



OKUWANDIIKA ABATENDESI:

Kiyinza okuwulikika nga ekikalubo okuwandiika abakulembeze osobole okuba n'abatendesi abamala obubinja bwo. Naye, kino tekyetaaga kuba kizibu. Zino zezimu ku ngeri ez'okugonzaamu okufuna abatendesi.

- Abatendesi basabe okukola omwezi gumu gwokka. Omwezi gumu gukwata ku kibala kimu eky'Omwoyo. Abantu abakulu bw'oba obasaba akadde kabwe, omwezi gumu abasinga bajja kuba bagusobola. Singa ekintu okifuula ekyangu ate nga kinyuma, bajja kwagala okuddamu okwewandiisa kunkomerero y'omwezi!
 - Abatendesi baleke bajje ku kkanisa nga bulijo naye basabe bajje nga wabulayo eddakiika 10 okusaba kutandike basobole okusisinkana abayizi babwe. Abatendesi bo bayinza okujja mu ssande sikuuru mulundi gumu mu mwezi naye essabbiiti endala nebagenda okusabira mu kkanisa nga bulijo.

- Abaana basindikire obubaka ku ssimu mukifo ky'okubakubira. Abatendesi bo bayambe okutegeka obubaka bw'omwezi mulamba kibanguize okuwuliziganya n'abayizi babwe. Tewerabira nti basobola n'okukozesa Facebook, Twitter, WhatsApp n'ebirala.
- Funa ekifo ku kkanisa abatendesi webasobola okutereka ebintu ebitonotono. Okufaanana nga abeby'emizzanyo abatendesi basobola okwambala enkofisira nebabeera ne ffirimbi n'eccupa z'amazzi. Mukifo ky'okujukira okutambula nga n'ebintu bino leka babitereke ku kkanisa. Mu ngeri eno abatendesi bo bambale engoye zabwe ezabulijo ez'okusabiram oluvannyuma bateekoko butesi ebyo bye twogeddeko okufaanana nga abatendesi.
- Kakasa nti olukiiko lw'abatendesi olwa buli mwezi luba lwa njawulo era nga luzzaamu amaanyi. Kino kijja kusikiriza abatendesi okusigala nga benyigira mu nteekateeka eno buli mwezi.
- Bwekiba kyetaagisa, kkiriza ebibinja ebinene. (Bwokozesa Facebook osobola okuwuliziganya n'ekibinja kyonna era omuntu omu asobola okutendeka abayizi 10.)



ENKIIKO EZIZZAAMU AMAANYI

Omulinu gw'omutendesi omukulu gwa kukuuma abatendesi nga bacamufu. Engeri enkulu ey'okukola kino kwe kutegeka olukiiko buli mwezi. Musobola okulya emmere, nemusabira wamu era ne mutunula ne kumawulire agakwata ku by'emizzanyo okulaba bwé gayinza okutuyamba mu bulamu bwé kikulistaayo. Musobola n'okutunuulira omuddusi wa Olympics oba ne mulaba firimu ekwata ku by'emizzanyo nga bwe mulya ku mberenge oba eby'okulya ebirala. Yogeramu n'abatendesi bo ku nsong eno: nti bwe kiba nga kigwana nnyo abazannyi okukola ennyo, lwaki naffe tetukolerera nnyo eby'omwoyo n'okuganyulwa okw'emirembe n'emirembe?




EMIKOLO Gy'OBUWANGUZI

Ekimu ku bintu ebikulu mu kubeera omutendesi kwe kusoboesa abayizi bo okuwulira nga abawanguzi. Kino kitegeesa nti olina okulambika enneeyisa gy'onoonya era ogabe ebirabo eri abagitambulirako. Tusaba abayizi obawe empeera ol'okukola obulimu obw'awaka, bwe bateeka mu nkola essomo lya ssabiiti. Okujumbira n'okukwata emisomo kuba kutendekebwa ate okukola obulimu mu ssabiiti kuba kuvuganya. Abayizi bo bakakase nti okutendekebwa kikulu bwe baba baagala okuwangula. Naye, okuvuganya mu nsi eyaddala mwe muli okuwangula okutuufu.

Ekimu ku birowoozo kwe kutegeka omukolo gw'obuwanguzi buli mwezi ku nkomerero ya buli kibala ky'Omwoyo. Okugeza, OKWAGALA kulina ssabiiti 5 ez'okusoma. Abo ababa bakoze obulimu bwa ssabiiti wakiri 3 bawangula emidaali gya bronze, ffeeza aba ssabiiti 4 ne zzaabu aba ssabiiti 5. Osobola okukyusakyusa mu ngeri abaana gye bawangula emidaali oluvannyuma lw'omwezi ogusooka kuba ebyalo ebimu biyinza okwetaaga obulimu obukaluba okusingako. Ebifo ebimu bija kuba nga byetaaga obulimu obwango obutabamalaamu maanyi era okusigala nga bakyajja mu kibiina kyo.

Ku nkomerero y'omwaka funayo ebirabo ebinene eby'abo abazze bawangula ebirabo ng'omwaka gutambula. Eno esobola okuba engule oba omudaali omulungi okusinga egya bulijo. Ebirabo okubifuula eby'amakulu, bigabire mu maaso g'abantu abakulu mu kkanisa!





OBUGUMINKIRIZA -VS- OBUTAGUMIIRIZA

Olugero Iwa Baibuli: Ennyana eya zzaabu
Okuva 32

KATEMBA

Willie Omugezi atandike okutegeka eky'eggulo ekirungi ekyabwe bombi. Fred Omusiru aleme kugumiikiriza era atandike okulya omupiira.

ESSOMO EKKULU

Tukwanirizza nate mu "Abawanguzi." Guno omwezi tuja kuba tuyiga ku buguminkiriza. Olugero Iwa Baibuli olwa leero lukwata ku baana ba Israeri n'enegeri gye bataalina buguminkiriza. Waali wakayita emyezi 3 gyokka (Okuva 19:1) nga banunuddwa okuva mu kawumpuli n'obuddu e Misiri n'okuweebwa obukuumi bwa Katonda okubataasa omuliro n'ekire. Katonda yabawonya nga basala Ennyanja Emmyufu, n'abawa ekyamagero ky'amazzi mu ddungu nga kw'otadde ennyama n'emigaati okuva mu ggulu buli lunaku okubaliisa! (Okuva 16:1)

Katonda yayita Musa okugenda eri olusozi weyamala ebbanga eddene (ennaku 40, Okuva 24:18). Abantu baasaba Aloonni okubakolera ka katonda. Aloonni n'abagamba nti bakung'aanye zzaabu waabwe. Baakola akayana era ne bakasinza n'ebijjulo n'okuzina. Katonda yalaba ekyonoono kyaabwe n'nagamba Musa ayanguwe okukkirira olusozi. Katonda ne Musa baanyiiga ne babonereza abantu olw'obujeemu n'obutagumiikiriza.

Katonda ayogera naffe nga bwe yayongeranga n'abantu be ebiseera ebyo. Atuwa ebisubizo n'endagiriro y'obulamu bwaffe. Ayinza okukuyita okukola emirimu gye oba n'akuwa okwagala kw'ekintu ky'oggya okukola mu biseera by'omu maaso. Ayinza okukusaba okuba omusomesa, omusumba oba

omusawo. Ebiseera ebimu Katonda atuyita nga ekintu kikyabulayo emyaka okutuukawo. Wano wetwetaagira obuguminkiriza. Tuba tumanyi nti Katonda yatuyita yadde abalala baba tebakiraba. Si kyangu kuyisibwaamu maaso n'okutwalibwa ng'abatalina kya makulu kye tusobola. Oyinza okuba nga Katonda yakugamba nti aija kukuwonya naye ne kati okyali mulwadde. Katonda tassibwaako kkomo lya budde nga ffe. Katonda yaliwo era aija kusigalawo. Lubeerera. Ffe tulina emibri egifa era akadde katugendako. Eri abaana ba Israeri, omwezi Musa gwe yamala ku lusozi baalaba nga muwanvu era obuguminkiriza ne bubaggwaako. Mu kifo ky'okulinda Katonda eyali abawonnyezza enfunda eziwera, baasalawo okukolayo katonda omulala. Tuteri okukemebwa okutuukiriza ebisuubizo bya Katonda nga tuyita mu kwetegekera, nga twagala ebintu tubyetuuseeko. Guno si mukisa gwa Katonda. Omukisa gwa Katonda gujja nga tugumiikirizza n'okumwesiga okukola emirimu gye, mu kaseera ke. Abaana ba Israeri beerabira batya ebyamagero ebyo byonna Katonda bye yali yaakamala okubakolera? Tumanyi lwaki beerabira kuba naffe twerabira Katonda by'akoze mu bulamu bwaffe!


Obuguminkiriza kibala ky'Omwoyo ekikulu ennyo. Bwe tukikozesa tufuuka abaami n'abakyala ba Katonda ab'amaanyi. Naye, awatali buguminkiriza tufuuka ng'abaana abawere, abayuugayuuga. Obuguminkiriza bujja kukuwonya okubeera ng'omwana omuwere.

AKAZANNYO K'OLUNYIRIRI LW'OKUJJUKIRA

Obukunizo bwa Jigsaw

Buli mwana mugambe awandiike olunyiriri ku lupapula olwa langi, akube obukalala bw'akakunizo amale asalemu obutundutunu obwo. (Obudde bw'oba olina butono, obukunizo butegeke ng'ekibiina tekinnaba.)

Mu vuganye okulaba ani asobola okuzzaawo akakunizo ke amangu. Omuwangazi y'oyo oba tiimu esooka okuyimirira n'esoma mu lwaatu olunyiriri ng'emaze okuzzaawo akakunizo.




ENNYANUKULA Y'A KAKUNIZO

K	A	W	U	M	P	U	L	I	N	D	S	A	D
A	L	O	E	B	Y	A	M	A	G	E	R	O	E
T	U	B	E	E	Q	B	U	D	D	U	L	U	E
O	B	U	G	U	M	I	N	K	I	R	I	Z	A
M	E	K	Q	L	U	S	O	Z	I	A	N	K	M
U	E	U	M	U	K	I	S	A	Z	E	D	A	U
K	R	U	U	L	I	N	D	U	S	R	A	T	K
I	E	M	S	I	S	R	A	E	R	I	K	O	I
S	R	I	A	K	A	S	E	E	R	A	U	N	D
E	A	E	E	O	B	U	J	E	E	M	U	D	D
B	A	W	O	N	Y	E	Z	E	D	D	W	A	Z

OBUDDU
ISRAERI
MUSA
LINDA
OLUSOZI
OMUKISA
KATONDA
OBUJEEMU
AKASEERA
LUBEERERA
OBUKUUMI
KAWUMPULI
EBYAMAGERO
OBUGUMINKIRIZA
BAWONYEZEDWA



(By'abayizi abakulu)



EBIBUUZO N'ENNYANUKULA

1. Katonda ayogera atya naffe? Kiki kye yasembayo okukugamba? Katonda akozesza ekigambo kye, Baibuli. Ennyiriri zija "kubuuka" okuva ku lupapula ziwlilikike ng'ezoogera ku ggwe mu kaseera ako. Katonda asobola okukoza abantu ng'abatendesi, abasumba n'abasomesa okwogera naawe. Katonda asobola okwogera naawe mu ngeri ekusindiikiriza okuyimirira okuyamba omuntu, okwewala embeera emu oba omuntu gw'lengedde mu kkubo.
2. Bintu ki bye tusobola okukola obuteerabira byamagero bya Katonda amangu ddala ng'abaana ba Israeri bwe baakola? Tusobola okukoza obutabo okuwandiikamu engeri Katonda gy'atambula. Tusobola okujaguza ennaku Katonda ze yatukoleramu eby'amaanyi. Nga bwe tulina obubaga n'ebikujuko, tusobola okwejjukanya ennaku zino nga tujaganya olw'ebyi Katonda bye yatukolera. Tusobola okuwa obujulizi ne tugabana n'abantu biki Katonda by'akoze mu bulamu bwaffe.
3. Olubeerera kitegeeza ki? Kisoboka kitya nti tujja kuwangaala mu bulamu obutaggwawo? Mu lubeerera temuli budde. Buno buba bulamu obutaggwawo oluvannyuma lw'okufa. Baibuli etugamba nti tuli ba lubeerera era tujja kuwangaala emirembe n'emirembe mu ggulu oba gyeena. Abakristaayo tetukkiririza mu kifo kya wakati, wabula tujja kugenda mu ggulu okubeera ne Katonda oba mu gyeena okubonerezebwem emirembe n'emirembe. Kino kitegeeza nti tetulidda ku nsi ng'omunt oba ekintu ekirala ng'abamu bwe bakkiriza. Bwe tufa, tuva ku nsi obutadda ne tugenda mu ggulu oba gyeena.

MU LINGI

Wandiika mu ttaka ekintu Katonda ky'akukoledde mu biseera ebiyise omale ekifo ekyo okisseecko akayinja ng'akabonero. Kino mukikole ku kkanisa, buli tuyizi akole akafo ke ek'enjawulo, amale akole akalala awaka mu wiiki. Bw'omaliriza okussa akabonero ku kafo ko, baako omuntu gw'obuulira kiki Katonda kye yakukoledde.



Ndowooza
nja
kutuuka
yo
mangu
ne
bino.



OBUGUMINKIRIZA -VS- ENNAKU

Olugero Iwa Baibuli: Yobu agumiikiriza mu kubonaabona kwe
Yobu1-2

KATEMBA

Fred Omusiru ne Willie Omugezi beetegekere empaka z'okudduka. Willie adduke akabanga akawanvu era asigale ng'adduka ne bw'aba akooye naye Fred ye ayimirire mangu ddala kasita awulira ng'akooye. Willie awangule empaka, ng'akutula akaguwa k'obubapula bwa kaabuyonjo akali ku nkomerero.

OLUNYIRIRI LW'OKUJJUKIRA

"Eryo lye ssanyu lyange bwe mbonyaabonyezebwa: Kubanga ekigambo kyo kinzuukizizza."

Zabbuli 119:50

ESSOMO EKKULU

Wiiki eno tugenda kussa essira ku buguminkiriza n'engeri gye bukwatagana n'ennaku. Abantu mu nsi yonna babonaabona olw'obusosoze, ebigwa tebiraze, okutulugunyizibwa, endwadde n'okufa. Tewali muntu ku nsi kuno asobola kwewala kubonaabona. Ensimbi, amaanyi oba obumanyifu tebisobola kutuwonya kubonaabona. Abakristaayo okusoomoezebwba kwe tulina y'engeri gye twanukulamu okubonaabona. Tunnakkiriza obulumi obuva mu kubonaabona kwaffe okutuzza wansi? Oba tunaayiga okigumiikiriza mu bulumi bwaffe ne tufuuka eky'okulabirako eri ensi? Mu kitabo kya Yakobo (Yakobo 5:10-11), Katonda ayogera ku buguminkiriza mu biseera by'okubonaabona era n'awa obulamu bwa Yobu ng'ekyolubirako. Ebyawandiikibwa bigamba nti abo bona abagumiikiriza mu kubonaabona baba ba mukisa.

Olugero Iwa Yobu mu Baibuli Iwa makulu nnyo kuba lubikkula amaaso gaffe okutulaga ensi erimu bamalayika, Katonda ali mu ggulu ne Setaani atambula ku nsi. Katonda yeewanira ku Setaani ng'ayogera ku musajja ow'enjawulo ayitibwa Yobu. Setaani agamba nti Yobu yagumiikiriza kuba Katonda yamuwa omukisa era n'asoomooza Katonda nti singa amuggyako omukisa ogwo, Yobu ajja kukolimira Katonda. Awo Katonda n'awa Setaani olukusa okulumba

Yobu era mu lunaku lumu n'atta ebisolo bye, abawereza be n'abeekika kye! Yobu teyakolimira Katonda era Setaani n'awebwa olukusa okulumba obulamu bwe. Setaani yali amanyi nti singa Yobu afuna obulumi bw'omubiri nti ajja kukolimira Katonda olw'emitaawaana gye. Yobu yali wansi ng'omubiri gwe gujjude amabwa, ng'afiriddwa eby'obugagga bye byonna n'ebekika kye naye n'agaana okukolimira Katonda n'okumunenya olw'emitaawaana gye. Mukyala we ne mikwano gye baamusindiikiriza ne bamugamba nti alina okuba ng'alina ebisobyo bye yakola okuba ng'afunye ebizibu bino byonna. Naye Yobu yasigala nga anyweredde ku Katonda n'obuguminkiriza mu kifo ky'okuleka ennaku okumumalawo. Tulaba okuva mu lugero luno nti Katonda ayagala tumunywerekere mu biseera by'obulungi n'obubi. Tetulina kubeera Bakristaayo balungi mu biseera eby'essanyu byokka. Yobu yagamba mukyala we nti, "Ky'ogamba tulina kukkiriza birungi byokka okuva eri Katonda so si mitawaana?"

Obulumi n'okufirwa bya butonde. Ennaku nayo ya butonde era ya buntu.

Naye obuguminkiriza nga tuyita mu kaseera akazibu kintu nantalabikalabika. Kyetaagisa okuba ne Katonda ng'akola mu ffe n'okumwesigira ddala. Buli omu ayita mu kaseera akazibu. Naye bw'onakkiriza obuguminkiriza okumera mu mutima gwo mu kifo ky'ennaku n'okutolotooma, ojja kukula mu Bakristaayo.

AKAZANNYO K'OLUNYIRIRI LW'OKUJJUKIRA


Soma Bw'oba...

Soma olunyiriri bw'oba... walidde eky'enkyia amakya ga leero, wanaabye ekiro kya jjo, olina amaaso ga katakketakke, oyagala nnyo dodo, wayaze obuliri bwo leero, olina muganda wo, oyambadde ebimyufu, n'ebirala. Eno ngeri nnyangu ya kudding'ana olunyiriri emirundi egiwera okuyamba abaana okulukwaata.



ENNYANUKULA Y'AQAKUNIZO

K	N	O	K	U	B	O	N	A	A	B	O	N	A	B
O	E	V	U	Q	B	U	N	K	E	K	E			
K	N	A	L	Y	A	L	Q	B	U	U	M	I	M	
U	Y	L	A	O	K	W	E	N	N	A	K	U	L	I
B	A	I	D	B	Y	A	K	O	B	O	K	K	U	K
O	B	U	G	U	M	I	N	K	I	R	I	Z	A	W
N	E	N	Y	G	U	M	I	I	K	I	R	I	Z	A
B	A	I	B	U	L	I	K	M	U	K	I	S	A	N
A	L	U	M	B	I	D	D	W	A	B	Z	A	K	Q
M	U	O	M	U	K	R	I	S	T	A	A	Y	O	Z



KULA
YOBU
NENYA
MUKISA
ENNAKU

OBULUMI
EMIKWANO
ALUMBIDDWA
OBUNKENKE
GUMIIKIRIZA

OKUKKIRIZA
OMUKRISTAAYO
OKUBONAABONA
OBUGUMINKIRIZA

EBIBUUZO N'ENNYANUKULA

(By'abayizi abakulu)

1. Lwaki Katonda atuleka ne tubonaabona? Okubonaabona kwayingira ensi olunaku omuntu lwe yasobya. Katonda yali tayagala bantu batalina kusalawo ebbanga lyonna. Katonda yali ayagala tumuweereze nökumwagala nga TWESALIDDEWO. Kino kitegeeza nti abamu bayinza OKUSALAWO obutagoberera Katonda. Abamu bajja kusalawo okulimba, okubba, okutta ova okwonoona. Okubonaabona kuli naffe kuba OKUSALAWO kuli naffe.




2. Lwaki abantu baffe bafa? Okufa ky'ekintu ekituuka ku buli omu kuba tewali agenda kuwangaala mu bulamu buno lubeerera. Naye, emyoyo gyaffe gyo gjija kuwangaala lubeerere mu ggulu ova mu gyeena. Okufa kye kuva kwafuu ka ekitono eri Abakristaayo. Okufa kuggyawo mubiri gwange gwokka, omwoyo gwange ne gugenda mu ggulu okubeera ne Katonda. Katonda tagenda kutaasa Bakristaayo okwetoloola ensi okuva eri okubonaabona abantu kwe bayitamu. Wabula tulina kuba kya kulabirako eri ensi nga tugumiikiriza mu kubonaabona kwaffe.

3. Okubonaabona kuyinza kuya okuba omukisa? Okubonaabona kusobola okutusembeza okumpi ne Katonda. Kutuyigiriza okuba n'ekisa. Okubonaabona kuwa empeera abalala nga Yesu bwe yagamba nti tujja kufuna empeera ol'okulambula abantu ova okuwa omuntu ekikopo ky'amazzi. Tujja kuba abeetegefu okuyamba abalala oluvannyuma lw'okuloza ku kubonaabona.

MU LINGI

Wandiikira Katonda ng'omwebaza olw'ekintu ekikubonyaabonnyezza. Gezaako okwogera nga Yobu bwe yagamba, "Mukama y'awa, era Mukama y'aggyawo; erinnya lya Mukama lyebazibwe." Wa obujulizi eri banno mu kibiina bw'oba osobola.

Ebiseera ebimu
mpulira nga njagala
kukaaba munda, naye
nsigala ntaddeko
akamwenyumwenyu
kano.





OBUGUMINKIRIZA -VS- AMALALA

Olugero Iwa Baibuli: Kabaka Nebukadduneeza
Danyeri 4

KATEMBA

Willie Omugezi ne Fred Omusiru basabe omulimu nga bakutte ebitiiyo. Fred ayogerere waggulu nga yeewaana nga bw'asobola okusima amangu. Willie ye ayogere n'eggonjebwa ng'annyonnyola nga bwe yeetaaga omulimu guno era nga bw'ali omwetegefu okukola n'amaanyi. Willie omulimu agufune.

OLUNYIRIRI LW'OKUJJUKIRA

"Enkomerero y'ekigambo esinga obulungi okusooka kwakyo: alina omwoyo ogugumiikiriza asinga alina omwoyo ogw'amalala."

Omubuulizi 7:8

ESSOMO EKKULU

Leero tugenda kusoma ku malala n'enegeri gye gayinza okutuzza wansi. Mazima amalala gayinza okutusaanyaawo singa tuba tetwegenderezza. Buli kaseera tulina okukimanya nti Katonda y'aba atuyambye okutuukiriza buli kye tuba tukoze era y'alina okutenderezebwa. Buli lwe twegulumiza mu buwanguzi bwaffe, tweyongera okusemberera emitawaana.

Olugero Iwa Baibuli olwa leero lukwata ku Kabaka Nebukadduneeza eyayimirira ku kasolya ke n'atunuulira obwakakabaka bwe obw'amaanyi. Mu mutima gwe yallowooza nti, "Laba ekibuga eky'amaanyi kye nneekoledde mu buyinza bwange," ng'alinga agamba nti, "Ndi wa kitalo nnyo!" Katonda yali yalabula Kabaka ono omwaka gumu emabega okuva ku malala oba s'ekyo Katonda ajja kumukakkanya. Naye ate wuuno yali ali kukasolya nga ajjudde okwegulumizaolw'ebyo bye yaliakoze. Katonda yamala n'amukkakkanya.

Ebigambo byali bikiali ku mimwa gya Kabaka eddoboozi ne liva mu ggulu ne limuggyako obuyinza bwe. Yagobebwa mu lubiri n'agwa eddalu. Yatandika okwenjeera ku ttale wabweru w'ekibuga ng'ente nga kw'otadde n'envir ze n'enjala okumuwanuwako. Kabaka eyali omumanyifu yafuu ka

ng'ekisolo ky'oku ttale.

Amalala kyonoono kibi ate Katonda takigumiikiriza. Katonda asobola okukakkanya abantu ng'ayita mu kubaggyako emirimu gyaabwe egy'ebbeeyi oba okubaleetera okufirwa ensimbi. Katonda y'asinga amaanyi era atufaako. Bwe tutandika eby'amalala, Katonda okutukkakkanya kiyamba ffe. Naye tusobola okugonza obulamu bwaffe singa tusalawo okubeera abakkakkamu mu kifo ky'okulinda Katonda okukikola.


Amalala mulabe w'ekibala ky'Omwoyo. Guno omwezi tuyiga ebikwata ku buguminkiriza. Si kyangu kulinda. Oluusi tuba tulina okulindirira Katonda okutuukiriza ekintu kye yatusuubiza oba okulinda abalala okukola ebyo bye beeyama. Mungeri yonna, amalala gasobola okutulemesa okugumiikiriza. Buli lwe twetwalira waggulu, kifuuka ekizibu okulinda abalala. Kabaka teyeetaaga kulinda muntu yenna! Buli lwe tulowooza nti tuli bakabaka, tutandika obutayagala kulinda. Baibuli etugamba nti Kabaka yawangaala ng'ekisolo "emirundi" 7 ekiyinza okutegeeza emya 7! Oluvannyuma lw'ebbangeryo, Kabaka Nebukadduneeza yatunula waggulu n'akkiriza nti Katonda ye Ssekabaka w'ensi eno era n'amutendereza nga kw'atadde n'okumwebaza. Obwongo bwe bwatereera era n'addizibwa ku bwakabaka.

Oyagala Katonda y'aba akukkakkanya oba ggwe okwekkakkanya wekka? Salawo.


AKAZANNYO K'OLUNYIRIRI LW'OKUJJUKIRA Okwabya Bbaaluuni

Fuuwa omukka mu bbaaluni; bbaaluuni emu olwa buli kigambo ky'olunyiriri. Kozesa maaka okuwandiika ekigambo kimu eky'olunyiriri eky'enjawulo ku buli bbaaluuni. Kozesa soluteepu atangaala okukwasiza bbaaluuni ku kisenge mu ngeri ewandiika olunyiriri (bw'oba olina obudde, abaana bawe olukusa kino bakyekolere). Bw'oba osazeewo okuwanika bbaaluuni mu budde bw'ekibiina, abaana basabé basome ebigambo ebiba byakagenda waggulu. Bbaaluuni zonna bwe zimala okugenda waggulu, funayo abaana bawaanyisiganye okuzifumita zaabike (kozesaka ukuma akasongovu). Abaana balina okusoma olunyiriri buli bbaaluuni

lw'eyabika.



ENNYANUKULA Y'A KAKUNIZO



B	A	I	B	U	L	I	K	L	O	E
T	U	U	K	I	K	R	A	A	B	N
U	K	A	B	A	K	A	T	B	U	O
B	A	L	U	M	I	E	O	A	G	E
A	B	Y	E	A	R	B	N	T	U	M
M	K	S	R	L	I	I	D	U	M	P
W	A	A	N	A	Z	S	A	U	I	U
E	R	A	G	L	A	U	S	K	N	T
L	I	N	D	A	T	U	U	I	K	T
O	S	Y	N	D	I	B	B	R	I	U
O	I	A	O	E	K	I	B	I	R	B
W	I	A	O	W	A	Z	E	Z	I	A
A	M	W	E	T	O	O	W	A	Z	E
W	A	A	O	E	K	I	B	U	G	A
										Z



EKIBI
SIIMA
LINDA
WAANA

KABAKA
KKIRIZA
EKIBUGA
EMPUTTU

KATONDA
AMALALA
TUUKIRIZA
EBISUUBIZO

SAANYAAWO
MWETOOWAZE
OBUGUMINKIRIZA

EBIBUUZO N'ENNYANUKULA

(By'abayizi abakulu)

1. Olowooza Kabaka mu butuufu yaggwa eddalu n'alya omuddo? Abantu abamu baddira engero z'omu Baibuli ne bagamba nti ngeerobugero so si bintu ebyatuukawo. Baibuli bw'egamba nti Katonda yakkakkanya Kabaka ng'ayita mu kumusuula eddalu, tunaakikkiriza? Tukimanyi nti kisoboka! Leka tusalewo okukkiriza nti Katonda y'asinga amaanyi era asobola okutukkakanya mu ngeri yonna gy'aba ayagadde.
2. Kabaka yali asobola atya okwekkakkanya mu kifo ky'okulinda Katonda okumukkakkanya? Kabaka yali asobola okugamba nti, "Laba obwakabaka buno obw'amaanyi Katonda bw'ampadde," mu kifo ky'okugamba nti, "Kino nkikoze olw'obuyinza bwange." Yandibadde yeebaza abalala n'akkiririza nti nabo balina kye bakoze. Ku namulondo ye, Kabaka yandibadde akkiriza nti Katonda y'amuyamba.
3. Abantu mu kitundu kyo beeysa battya nga bakabaka? Kino kifaanana kitya? Abantu beeysa nga bakakaba ebiseera ebisinga. Mu kino mulimu okwegulumiza, okulaga abantu nga bwe tuli obulungi era n'okugaana okwebaza Katonda oba abantu abalala. Tusigala tulafubana okumanyika n'okugaggawala.

MU LINGI

Kola ebintu ebikufuula omwetoowaze. Osobola okuwa omuntu ekifo kyo mu lukalala, okwewala okulaba firimu omuli abantu ab'amalala, okuwaayo ekifo kyo ku siteegi oba mu maaso g'abantu, oba okuleka abalala ne baba abatuufu.



Saagala kuba mwetoowaze!
Kinkakatako okukikola?





OBUGUMINKIRIZA -VS- OBUSUNGU

Olugero Iwa Baibuli: Dawudi, Nabali ne Abbigayiri
1 Samwiri 25

KATEMBA

Omuntu ategule Fred Omusiru mu butali bugenderevu agwe mu bisooto. Fred anyiige ayagale okukuba omuntu amuleetedde okugwa naye Willie Omugezi amugambe nti oli abadde tagenderedd era teyeetaaga kubonerezewa. Oluvannyuma bona basatu bafuuke ba mukwano kuba Willie akkakkanyizza obusungu bwa Fred.

ESSOMO EKKULU

Wiiki eno tugenda kuyiga ku busungu nga bwe bulwanyisa obuguminkiriza. Obusungu bwewuunyisa mu ngeri gye butuzibamu amaaso. Busobola okutubuutikira ne butulemesa okulowooza ku kintu ekirala kyonna. Tusobola okunyiiga nga tuli mu kusobia ku bannaffe oba okwesobyako ffe fekka. Obusungu obukyasinze okukaluba okukkakkanya bwe bwo bwe tufuna ng'omuntu atusobezza. Bw'oba okimanyi nti gwe mutuufu, kiba kizibu nnyo okukkakkanya obusungu. Kino kye kyatuukawo mu lugero lwa Baibuli olwa leero. Dawudi yali munyiivu kuba waliwo eyali amusobezza. Dawudi yali atambula n'abasajja be 600. Yasindika abasajja abamu eri Nabali okumusaba obuyambi okuliisa abasajja be nga bwe bayita mu kitundu ekyo. Okusinziira nti Dawudi yali ayamba nnyo Nabali ekyali kimuyamba okukkereza obudde n'ensiimbi, Dawudi yali si musobya okusaba Nabali obuyambi.

Naye, Nabali yamugamba nti NEDDA mu bukambwe obw'ekitalo. N'olw'ekyo Dawudi yasunguwala n'asalawo okuwoolera. Dawudi yali ali mu kkubo n'abasajja be 400 ng'agenda okutta Nabali, Abigayiri (mukyala wa Nabali) amawulire ne gamutuukako era n'atandikirawo okukola enteekateeka z'okuziiza obulumbaganyi buno. Yategeka ekijjulo ky'abasaajja bona 600 n'atambula okugenda okusisinkana Dawudi. Yatuuka n'akkakkana mu maaso ga Dawudi era n'amwetondera olw'enneyisa ya

OLUNYIRIRI LW'OKUJJUKIRA

"Musunguwalenga so temwonoonanga: enjuba eremenga okugwa ku busungu bwammwe."

Abaefeso 4:26

Nabali n'amala n'amuwa emmere. Kirabika Abigayiri yataasa obulamu bwa Nabali. Baibuli etuwa olugero luno okutulaga nti Dawudi yali waddembe okunyiiga.

Naye, Abagayiri bwe yalemesa Dawudi okulumba Nabali, olugero lwa kyuka ne kirabikanga Abigayiri eyali ataasa Dawudi okusinga Nabali. Dawudi yali wa ddembe okuwoolera naye tekyandibadde kirungi. Yandibadde mutuufu naye teyandibadde wa mukisa.

Yadde kifaanananga Abigayiri eyataasa obulamu bwa Nabali naye yawonya Dawudi obusungu bwe. Eky'amakulu mu nsongha ng'eno kwe kuba omuguminkiriza mu kifo ky'okusunguwala. Ku nkomerero ya byonna, Katonda yabonereza Nabali olw'okusobya Dawudi.


Buli lwe twesanga nga tulina okusalalwo wakati w'obusungu n'obuguminkiriza, tulina okwebuuza ekibuuzo kye kimu. Twagala okuba abatuufu yadde tetujja kuweebwa mukisa? Oba tulonde ekkubo eri tutwala eri emikisa?

Totunula
yo! Saagala
kukwatibwa! (kuba
ekyo kinnyiza.)



ENNYANUKULA Y'AKAKUNIZO

E	W	O	O	L	R	E	A	B	B	I	G	A	Y	I	R	I
B	K	A	E	D	E	K	I	T	U	U	F	U	K	O	G	D
A	M	B	Z	A	B	I	G	A	Y	I	R	I	K	B	W	A
I	U	B	I	W	O	T	O	B	U	S	U	N	G	U	E	W
B	K	O	B	U	K	U	U	M	I	N	A	B	A	L	I	U
U	I	G	A	D	S	U	E	M	P	U	L	I	R	A	O	D
L	S	A	L	I	I	F	U	K	E	K	I	S	O	B	Y	O
I	A	T	A	M	B	U	D	D	E	W	O	O	L	E	R	A



EZIBA	BAIBULI	EMPULIRA	OBUSUNGU
NABALI	KITUUFU	EKISOBYO	ATAMBUDDE
MUKISA	OBULABE	EKITUUUFU	OBUKUUMI
DAWUDI	WOOLERA	ABIGAYIRI	ABBIGAYIRI

AKAZANNYO K'OLUNYIRIRI I W'OKUJJUKIRA

Ennukuta Emu Kw'emu

Wandiika ennukuta esooka eya buli kigambo ekiri mu lunyiriri lw'okujjukira ku lubaawo. Abaana bagambe bagezeeko okuwandiika olunyiriri nga basinziira ku nnukuta zowandiise.



(By'abayizi abakulu)


EBIBUUZO N'ENNYANUKULA

1. Buzibu ki obuli mu kusunguwala bwe wabaawo atusobezza?

Okusunguwala ng'omuntu atusobezza kiraga nti tetwesiga Katonda. Obusungu bulaga okweyagaliza okuli mu mitima gyaffe. Naye okusunguwala kuba omuntu omulala aysisiddwa bubi banne kiraga kwagala n'okufaayo eri omuntu oyo. Kiki kye tukola nga tusunguwadde kiyinza okuba ekyonoono, n'olw'ekyo tulina okwegendereza.

2. Baali bakuyisizza obubi yadde nga ggwe mutuufu? Nnyonnyola. Abayizi bo bawe olukusa boogerezeganye ku mbeera ez'enjawulo ze balowooza nti baayisibwa bubi. Mugezeeko okulaba oba gwali musango gwabwe oba nedda. Bwe mukizuula nti tegwaali musango gwabwe, mwogero ku buguminkiriza bwe kitwala obutawoolera.

3. Katonda anaasobola okuwoolera ku lwange? Emu ku nsonga lwaki tussa obusungu ebbali nga tulumiziddwa kwe kumanya nti Katonda ajja kuwoolera ku lwaffe era asasule buli omu olw'ebikola bye. Obuzibu buva ku kwagala Katonda akole okuwoolera mu bulamu buno obw'oku nsi. Katonda ajja kusasula buli omu naye tetusobola kumanya ddi, wa, oba okusasula kulibaawo mu bulamu bwaffe.



MU LINGI

Gulayo ebintu ebitonotono eby'okugaba ng'ebirabo. Buli lw'onyiiga, wa omuntu gw'onyiigide ekirabo. Gezaako okweggyamu obusungu ng'oyita mu kugabira abantu ebirabo. Ojja kulaba ng'obuguminkiriza bwo bwelyongera.



OBUGUMINKIRIZA -VS- OKWEGWANYIZA

Olugero Iwa Baibuli: Manu n'ennyama y'obugubi
Okuva 16:1-18

KATEMBA

Willie Omugezi ne Fred Omusiru bagabulwe eky'emisana ku ssomero. Si kya misana ky'amaanyi naye nga kimala. Fred atandike okutolotooma nti eky'emisana kye si kya mulembe. Willie ye yeebaze Katonda mu kasirise olw'eky'emisa ky'afunye.

ESSOMO EKKULLU

Abayizi, wiiki eno olulwana lwaffe luli wakati w'obuguminkiriza n'okwegwanyiza. Okwegwanyiza kitegeezza omuntu okulowooza nti kimukakatako okufuna ebintu ebirungi era n'agenda mu maaso n'okulaga abantu ensonga eno. Kino kitera nnyo okulabika mu mawanga agaakula edda abantu mwe basuubira nti balina okufuna buli kye baagala oba okwetaaga. Okwegwanyiza ne mu mawanga agakyakula mwe kuli naddala mu banaku abalowooza nti ba ddembe okusabiriza kuba nabo balina okuweebwa ebintu ng'eb'y'abalala bye balina. Tekuli nnneeyisa nungi ku zino zombiriri.

Katonda atusuubira okuba abaguminkiriza n'okumwesiga n'obulamu bwaffe. Mu lugero Iwa Baibuli olwa leero, abaana ba Israeri beesanga mu mbeera y'obwetaavu era ne batandika okusabiriza nga bwe bakaabira Katonda. Baibuli etugamba nti baatandika okutolotooma n'okwemulugunya nga bagamba nti singa baasigalayo e Misiri mu kifo ky'okugoberera Katonda mu ddungu. Baaleekana nti singa baafira e Misiri. Naye ekyamegero ne kituukawo! Katonda yabalabirira ng'ayita mu kubaweereza manu n'enneyama y'obugubi okuva mu ggulu! Buli kumakya waalingawo emigaati egy'okulya egiyitibwa manu. Waalingawo n'enneyama okuva mu binyonyi ebyitibwa obugubi Kkatonda gye yabaweeerezanga.


Naye, newakubadde Katonda yabakolera ebyamagero bino, baasigala beemulugunya. Mu Okubala 11:6, abantu baagamba nti, "Tetukyayagalakulya; tetulina kintu kirala kye tulaba okuggyako manu eno!"

Katonda yanyiigira abaana ba Israeri olw'okutolotooma n'okwemulugunya. Baali beegwanyiza ebirungi era ne balowooza nti balina olukusa okukaka Katonda okubawa emmere. Mu mazima tewali omu kuffe abanja muntu yenna kintu. Tetulina buyinza bulagira Katonda, Gavumenti, bazadde baffe, amakanisa gaffe oba ab'amawanga amalala okutuwa ekintu kyonna. Twandibadde tuba n'obuguminkiriza mu kifo ky'okwegwanyiza.

AKAZANNYO K'OLUNYIRIRI LW'OKUJJUKIRA



Entebe Z'oluyimba

Tegekera buli mwana entebe omale ozikolemu enkulungo. Sala obubapula okuva mu mpapula za langi obusibe emabega w'entebe. Buli langi erina kuteekebwa waakiri ku ntebe ssatu. Ssaako oluyimba abaana batandike okutambula nga beetoloola entebe zino. Oluyimba bwe luyimiriziba, abaana batuule mangu. Omusomesa ayogere langi era buli muyizi atudde ku ntebe eriko akapapula ka langi eyo asituke asome olunyiriri. Omusomesa bw'agamba emmyufu, buli atudde ku ntebe eriko akapapula akamyufu asituke asome olunyiriri.



ENNYANUKULA Y'A KAKUNIZO

E	O	K	W	E	G	W	A	N	Y	I	Z	A	Z
B	K	O	Z	K	W	O	B	O	E	M	U	K	T
Y	U	M	O	I	A	K	A	B	P	U	K	K	O
A	L	U	K	T	N	U	N	U	A	B	A	I	L
M	A	N	U	I	I	V	T	G	N	A	T	R	O
A	G	T	V	I	R	A	U	U	K	F	O	I	T
G	I	U	A	B	A	B	Y	B	A	F	N	Z	O
E	R	A	Z	W	E	E	S	I	G	E	D	A	O
R	A	Y	S	A	B	I	R	I	Z	A	A	B	M
O	M	U	G	U	M	I	I	K	I	R	I	Z	A



Nkimanyi nti
bigwanira,
byonna
emikono
gino bye
gisobola
okusitula!

MANU
KATONDA
WEESIGE
OMUNTU
OBUGUBI
GWANIRA
YEPANKA
AKKIRIZA
SABIRIZA
EKITIIBWA
OKULAGIRA

TOLOTOOMA
EBYAMAGERO
MUGUMIIRIZA
OKWEGWANYIZA



EBIBUUZO N'ENNYANUKULA

(By'abayizi abakulu)

1. Bintu ki by'osuubira okufuna okuva eri Gavumenti? Mwogere ku nteekateeka Gavumenti yammwe z'erina era nga bwe mulowooza nti mulina okuzifunamu. Waliwo eggwanga elibaliraanye eririna enteekateeka ez'enjawulo buli omu z'amanyi? Abantu beemulugunya kw'ebyo bye batalina oba beepanka ol'ebyo bye balina?
2. Abantu biki bye batera okwogera nga beemulugunya kw'ebyo bye batalina? Mwogere ku bantu bye basinga okwemulugunya nabyo mu kitundu kyammwe. Zannya n'abayizi bo nga bwe mugeegeenya abantu engeri gye batolotoomamu. Ba mwegendereza, naye kozesa okugeegeenya ng'ekikwato ky'okulaga abayizi bo nti okutolotooma si kirungi wabula nkola mbi.
3. Wali okemeddwa okulagira Katonda okukuwa ekintu? Mwogere ku kulagira Katonda bwe kufaanana. Okugeza singa tunyiiga kuba omuntu agaanye okuwona obulwadde, tuyinza okumaliriza nga tunanya Katonda. Omuntu bw'akubba kiba kya bulijo okunyiigira omubbi oyo. Naye bwe tunyiigira Katonda olw'obutatutaasa mubbi oyo, kiba kitegeeza nti twagala kulagira Katonda okukuwa obukuumi.

MU LINGI

Eno wiiki tewali muntu alina bbanja gy'oli. Buli lw'owulira ng'oyagala okusaba omuntu ekintu kyonna, tokikola. Buli lwe weewala obutasaba mmere, bintu, budde oba obuyambi; ob'owangudde ekyonoono kino.





EKISA -VS- OKUGERAGERANYA

Olugero lwa Baibuli: Kabaka Sawulo ne Dawudi
1 Samwiri 18:5-16

KATEMBA

Mu kusamba omupiira Willie Omugezi ateebe ggoolo 2 naye Fred Omusiru ateebe 1 yokka. Buli omu awagire Willie. Fred anyiige kuba abantu bajaganya olw'obuwanguzi bwa Willie.

ESSOMO EKKULU

Wiiki eno tujja kuba tusomo ekibala ky'omwoyo "ekisa" era tutunuulire ku ngeri okwegerageranya ku balala bwe kuyinza okuziiza ekisa. Okugerageranya abantu kuleeta obulumi. Muno mulimu okutunuulira ebirabo, ebitone, obudde ova ensimbi omuntu by'alina ne tuba nga tubigerageranya ku by'abalala ova ffe bye tulina. Mu lugero lwa Baibuli olwa wiiki eno tulaba Kabaka Sawulo ng'afuna obuggyga eri Dawudi era n'anyiiga. Bino byonna byatuukawo ng'abantu batandise okugerageranya Kabaka Sawulo neDawudi. Abantu nga tebannatandika kukola kino, Kabaka sawulo yali talina buzibu na Dawudi! Nga bino tebinnabaawo Kabaka Sawulo yayagalangannyo Dawudi okumusunira endongo era yasanyuka nnyo Dawudi bwe yatta Goliyaasi. Buli kimu kyali kitambula bulungi mpaka abakyala bwe baggya nga bayimba ennyimba z'okugeregeranya. Amagyé gaali gadda waka oluvannyuma lw'okulwanyisa Goliyaasi n'Abafirisuuti awo abakazi ne bafuluma nga bazina nga bwe bayimba nti, "Sawulo asse enkumi ze ne Dawudi asse emitwalo gye." Tetuyinza kunenya bakazi bano olw'obukyayi obwamera mu mutima gwa Sawulo. Kabaka Sawulo yalina obuvunaanyizibwa ku bikolwa bye. Naye

kikulu nnyo okumanya nti kino kyava ku bakazi okussa Dawudi waggulu wa Kabaka Sawulo. Mu kaseera ako Dawudi yali tannaba kutta muwendo gwa basajja gusinga gwa Kabaka Sawulo. Yali asse Goliyaasi yekka! Kitwanguyira okugerageranya wakati waffe. Naye kino si kirungi kuba tekiyisa bulungi bantu era Katonda atugamba obutakikola. Katonda ayagala twetunuulire ffekka era twempimee nga tugerageranya kw'ekyo Katonda ky'atwetaaza. Emikutu nga Facebook bye bimu ku bifo we twegerageranya ku balala mu lwatu. Tussaayo ebifaananyi ne tugerageranya obulamu bwaffe ku bw'abalala. Ate ekisinga obubi kwe kugerageranya abantu abalala ku bannaabwe ng'abakazi bano bwe baakola. Tukwata obusumba obw'ejawulo ne tubugerageranya ne tumaliriza nga tuleeseewo obutabanguko wakati waabwo. Oba omuntu ayinza okunyuma olugero olulungi ne tusalawo nti tugenda kunyumya olusinga ku lulwe. Wali olabyeeko omuntu akola akabaga ak'amaanyi ne wabaawo omulala agamba nti alina okukola akasinga akake? Leka tuleme kubeera battima nga tugerageranya wabula tukkirize nti tuli ba njawulo nga tetutaddeemu buggyga!

AKAZANNYO K'OLUNYIRIRI LW'OKUJJUKIRA

Scrabble wa Walifu

Abaana baawulemu ebibinja bibiri ova bisatu buli kibinja okiwe ekikopo ky'ennukuta za walifu. Abaana bagambe bakozese ennukuta zino okukola ebigambo ebiri mu lunyiriri lw'okujjukira. Ekibinja ekinaasinga okukola ebigambo ebingi kye kiba kiwangudde.

A B C



ENNYANUKULA Y'A KAKUNIZO

EKISA
ABANTU
DAWUDI
SAWULO
ABALALA
ENSIMBI
NJAWULO
FAANANA
OBUGGYA
LEEKANA
ABAKYALA
ENSAALWA
OBUSOBOZI
OKUGERAGERANYA


A	B	A	L	A	L	A	B	A	K	Y	A	L	A
K	E	N	S	I	M	B	I	B	S	O	B	N	Z
O	K	U	G	E	R	A	O	L	A	L	A	J	E
W	I	S	D	A	W	U	B	A	W	E	N	A	N
U	S	A	N	J	A	W	U	L	O	E	T	W	S
D	A	W	U	D	I	K	G	A	U	K	U	U	A
O	K	U	G	E	R	A	G	E	R	A	N	Y	A
B	G	L	E	E	K	A	Y	B	Y	N	G	A	L
U	L	O	B	A	L	F	A	A	N	A	N	A	W
O	B	U	S	O	B	O	Z	I	E	K	I	Z	A

TEBIBUUZO N'ENNYANUKULA

1. Ani gw'otera okwegerageranya naye? Kikuleetera kuwulira otya? Abayizi bo bawe obudde boogere ku kugerageranya. Tobagamba nti tebalina kugerageranya wabula leka okwogerezeganya kwabwe kugaziwe okutwaliramu n'engeri gye bawulira nga bagerageranya. Bwe boogere ku ngeri gye kiruma mu kijja kubanguyira okukywala mu maaso eyo.
2. Mu ngeri ki z'olabamu okwegererageranya ku Facebook oba emikutu emirala wakati wa mikwano gyo? Abayizi bo baleke boogere ku bifaananyi abantu bye bassa ku mikutu gino, omuwendo gw'emikwaano gwe balina, n'abantu ababalaga nti baagala bye baba batadde ku mikutu gyaabwe. Mwogere ku bulumi obuli mu kugerageranya. Balage nti Facebook sib we bulamu bwaffe obwa ddala.
3. Mulina abantu mukitundu kyammwe abagezaako okukola embaga ennene okusinga eza bannaabwe? Mu ngeri ki? Mugerageranya emikolo mu kitundu kyammwe? Abantu batera okugerageranya emmere egabuddwa, obungi bwayo, eby'okunywa, enteekateeka, okutimba, oba baleese abayimbi mu kifo kya DJ, ekifo omukolo weguli, obudde bwe gumaze, ebirabo ebigabiddwa, abantu abanyirira n'abanene ababa bazze. Mwogere ku nsonga lwaki si kya kisa kugerageranya.

MU LINGI

Weefunire obupiira 20 ku ntandikwa ya wiiki. Buli lwe weesanga nga weegerageranya ku bantu abalala, weggyeeko akapiira kamu. Kino kitwaliramu Facebook n'ebifo ebirala byonna wetwegerageranyiza ku bantu abalala. Bwe kiba kyetaagisa, va ku Facebook okumala wiiki nnamba.



Akatabo
kange
kasinga
akako.
Nkimanyi!





EKISA -VS- OBULIMBA

Olugero lwa Baibuli: Peetero yeegaana Yesu

Matayo 26:31-35, 69-75

KATEMBA

Willie Omugezi ne Fred Omusiru bombi bamenye ettaala mu maka gaabwe nga tewali aliwo. Fred akweke ebirawuli ebimenyese era taata we bw'amubuuza ku ttaala amuddemu nti talina ky'amanyi. Taata wa Willie bw'atuuka awaka, Willie ye amubuulire buli kimu.

ESSOMO EKKULU

Wiiki eno tugenda kuba tulwanyisa obulimba, ekyonoono ekituleetera okukweka amazima. Zabbuli 101:7 egamba ng'eyogera ku Katonda nti, "Akola eby'obulimba talituula mu nnyumba yange: Ayogera ebitali bya mazima talinywera mu maaso gange."

Bw'otunuulira ekigambo obulimba ojja kusanga nga Baibuli ekyogerako enfunda eziwera. Katonda tayagala bulimba. Naye lwaki? Ffenna tulina obulimba obutonotono bwe twogera mu biseera bimu na bimu. Okugeza tuyinza okugamba omuntu nti omwana we alabika bulungi naye nga mu mutima tulowooza nti ekyana kirabika bubi! Ffenna tukimanyi nti mu biseera ng'ebyo wetutayogerera mazima gennyini, tekiba kibi nnyo. Oluusi amazima tegaba mangi kwogera. Kati lwaki obulimba kibi nnyo eri Katonda? Dawudi agamba nti, "Saatuulanga wamu na bantu abataliimu; So ssiiyiringirenga wamu na bakuusakuusa." Wano Dawudi agerageranya omulimba ku mukuusa! Osanga kino kinaatuyamba okutegeera lwaki Katonda tayagala bulimba kuba feenea tetwagala bukuusa.


Nagoberera omubuulizi ow'amaanyi okumala emyaka ng'asomesa ku kubeera omwesimbu. Naye lunaku lumu nakizuula nti yali amaze ebbanga ng'asobia ku baana abawala. Obusungu obwa situka mu mutima gwange bwali bw'amaanyi! Nali njagala kusuula mu kasasiro buli kimu kye yali asomesezza. Omubuulizi ono tammanyi na kummanya naye mpuliranga eya kola ekintu

eky'ettima gyendi. Yeefuula ky'ataali era nannimba.

Olugero lwa Baibuli olwa leero lukwata ku Peetero Omutume. Lunaku lumu yakola ensobi eyamuleetera okufuuka omukuusa. Ekirungi ekiri ku Peetero kiri nti yeenenyenza Yesu era n'amusonyiwa. Singa ggwe nange tukwatibwa mu bulimba tusobola okusonyiyibwa. Eky'ennaku oli omubuulizi gwe nnayogeddeko waggulu teyeenenyanga, takkiriza nti mwonoonyi era akyagenda mu maaso n'okusomesa ng'atalina nsobi gy'akola.

Mu lugero lwa Baibuli, Yesu n'abayigirizwa be bwe baali balya eky'eggulo ekisembayo, Yesu yabagamba nti bona bajja kumwegaana. Naye Peetero n'agamba nti, "Abalala bona ne bwe balikuvaako, nze siri kikola." Awo Yesu n'abategeeza nti Peetero ajja kumwegaana emirundi essatu ng'empanga tennaba kukookolima ekiro ekyo kyennyini. Peetero alina okuba nga yawulira bubi era n'yagalala nnyo kireme kutuukirira. Naye, Yesu yali mutuufu. Ekiro ekyo kyennyini Peetero yeegana Yesu emirundi esatu. Yali teyefuula bwefuuzi nti tamanyi Yesu wabula yalayira nti yali tamanyi musajja oyo. Awo empanga neekookolima. Omuyigirizwa wa Yesu ow'okulusegere yayimirira mu lwaatu n'alayira nti yali talina mukwano gwonna na Yesu.

Kino kirina okuba nga kya menya omutima gwa Yesu. Obulimba bwaffe nabwo buyinza okumenya omutima gwa Katonda. Tulina kwebaza Katonda nti bwe tumwenenyenza ne tukkiriza ensobi zaffae atusonyiwa.



ENNYANUKULA Y'A KAKUNIZO

YESU
EKIBI
KWEKA
PEETERO
BAIBULI
AMAZIMA
AMASOMO
LWANYISA
OBULIMBA
MWESIMBU
OBUKUUSA
YEEGAANA
WANGAALA
EKISONYIWO
OKWENENYA
OMUBUULIZI



A	M	W	A	N	O	K	M	E	K	I	S	O	N	Y	I	W	L	
M	U	G	O	D	B	Y	W	Z	Y	E	E	G	A	A	N	B	W	
A	T	B	I	M	U	E	E	P	E	E	T	E	R	O	A	N	U	A
S	I	K	W	E	K	A	S	E	K	R	A	Z	Z	L	E	G	L	N
O	M	U	B	U	U	L	I	Z	A	M	A	Z	I	M	A	I	Y	
M	A	W	A	M	U	B	M	U	B	A	I	B	U	L	I	A	M	I
O	N	O	Y	E	S	U	B	W	I	D	A	W	U	D	I	L	B	S
B	A	N	T	U	A	Y	U	O	K	W	E	N	E	N	Y	A	A	A

AKAZANNYO K'OLUNYIRIRI LW'OKUJJUKIRA

Kuba Akafaananyi

Abaana bagambe bawandiike olunyiriri era bakube ku mpapula zaabwe ebifaananyi ebigendera ku bigambo.


EBIBUUZO N'ENNYANUKULA

(By'abayizi abakulu)

1. Omuntu omukuusa afaanana atya? Mwogere n'abayizi bo ku ngeri omukuusa gy'ayogera kino ate nga ye akola kilala. Abakuusa abakyasinze b'eo ababuulira mu ngeri ematiza ku kintu bbo kye batakolerako.
2. Wali onyiiziddwa obuswavu mu kkanisa? Buli wa? Ffenna tuli bantu era tusobya. Kikulu nnyo obutassa bwesige bwaffe mu babuulizi ab'amannya wabula twesige Yesu Kristu. Mwogere ku bintu eby'obuswavu ebikolebwa mu kkanisa naye temuvuma bantu wabula mulabe nga bwe kiri ekyangu okusomesa Baibuli ky'egamba ate naye nga ate kizibu nnyo okukikolerako.
3. Ddi we kibeerera ekirungi okukweka amazima? Mwogere n'abayizi bo ddi we kibeera ekirungi okulimba. Singa omuntu akubuuza ova afaa bubi? Tekiba kya mu buntu okumugamba nti yee mubi. Ate singa omuntu akusaba okukuumma ekyama kye? Kituufu okulimba abantu ova okwefuula nti tomanyi kyama ekyo?

MU LINGI


Eno wiiki genda eri omuntu gwe walimba omubuulire amazima. Weetonde olw'obulimba era omusabe ekisonyiwo. Buli lw'oddayo n'oyogera amazima ova owangudde ekibi.





KATEMBA

Willie Omugezi ne Fred Omusiru babeere wabweru nga batambulatambula basange omusajja asindika eggaali eyeetisse ennyo. Fred agambe nti ye tebimukwatako era atambule agende. Willie asigale ng'ayamba omusajja okusindika eggaali.



ESSOMO EKKULLU

Wiiki eno tugenda kusoma ku kwesamba n'obutasembeza bantu. Mu kwesamba mulimu obutatwala budde kumanya muntu n'okumusembeza. Kino kireetawo okwawukana mu kifo ky'obumu. Mu kifo ky'okulaga omuntu ekisa, tugamba nti, "Si kizibu kyange." Naddala ebiseera bino abantu bayitirizza nnyo okwesala ku bantu. Tubeera mu maka gaffe era tetwagalira ddala kuyamba abo abali wabweru w'ebibiina byaffe. Naye, Katonda si bwati bw'ayagala tuwangaale.

Eky'okulabirako ekirungi ky'ekyo ekikwata ku nkola ya Afghan eytibwa Pashtunwali egamba nti eggwanga lirina okutwala obuvuunanyizibwa okukuma omuntu n'okumutaasa abalabe be mu kaseera konna. Waliwo engero eziraga nti oluusi ab'Afghan baafa nga balwanirira omuntu gwe batamanyi. Eky'okulabirako ekirala ekiraga ekisa mu kifo ky'okwesamba ly'etteeka ly'okunnyanja. Etteeka lino ligamba nti kya tteeka okuyimirira okuyamba omuntu yenna ali mu bwetaavu ku nnyanja. Abavubi oba omuntu yenna asaabala ku mazzi kimukakatako omuntu ne bw'aba tamumanyi. Olowooza twetaaga okukola ebintu eby'amaanyi okuyamba abali mu bwetaavu ne bwe wataba tteeka oba nkola etulagira kukola ekyo?

Mu lugero iwa Baibuli olwa leero, bba wa Luusi yafa nga kw'otadde ssezzaala


we ne mulamu we omusajja. Mu kika kyaabwe nnyazaala we ne mulamu we omukazi beebaasigalawo. Luusi ne mulamu we Olupa baali tebalina baana. Nawomi (nnyazaala wa Luusi) yasalawo okugenda mu nsi y'ewaabwe era n'agamba abawala bano nti kyalii tekyetaagisa bbo okugenda naye wabula baali ba ddembe okudda ewaabwe oba okufumbirwa. Baali tebaagala kuleka Nawomi yekka wabula oluvannyuma lw'okumatizibwa, Olupa yasalawo okugenda ewaabwe. Luusi ye teyamatira era n'asigala ne Nawomi.

Luusi yatambula ne Nawomi era n'amuyamba okutegeka amaka bwe baatuuka. Yatandika okulima bafune eky'okulya. Luusi yakola kyonna ekyali kyetaagisa okuyamba nnyazaala we n'okusukka kw'ekyo ekyali kimusuubirwaamu. Ku nkomerero olw'omukisa gwa Katonda Luusi yaddamu n'afumbirwa mu ngeri y'okukakasa nti olulyo iwa Nawomi lugenda mu maaso. Omwana we eyasooka baamutuumma erinnya lya bba wa Nawomi era mw'ekyo Luusi yalaga Nawomi ekisa eky'amaanyi. Teyagamba Nawomi nti "ekyo si kizibu kyange" wabula yamukwasa kisa era n'amukolera bingi ebisukka kw'ekyo ekyali kyetaagisa. Ffenna tunaaba nga Luusi mu kisa mu kifo ky'okwesamba abantu?


AKAZANNYO K'OLUNYIRIRI LW'OKUJJUKIRA

Obupapula

Wandiika buli kigambo ky'olunyiriri ku kapapula. Abaana bagambe bategeke obupapula buno mu ngeri ekola olunyiriri. Osobola n'okusiba obupapula buno mu bifumba by'abaana n'obagamba basimbe olukalala mu ngeri ewandiika olunyiriri.



ENNYANUKULA Y'AKAKUNIZO



K	I	R	I	N	A	W	O	M	I	O	K	B
B	O	L	W	A	E	N	K	O	L	A	W	A
E	K	I	T	I	I	B	W	A	Z	B	A	I
M	U	L	E	M	E	R	E	R	W	A	S	B
P	T	G	E	L	U	U	S	I	U	L	I	U
U	T	W	R	A	L	Y	A	M	B	A	Z	L
L	A	O	B	N	I	E	M	U	O	L	A	I
I	B	E	K	I	Z	I	B	U	L	A	L	A
R	E	T	T	E	E	K	A	E	N	G	E	R
A	E	M	B	E	E	R	A	E	K	I	S	A

ANI
LUUSI
YAMBA
NAWOMI
OKUTTA
ENKOLA

EKISA
BAIBULI
EMBEERA
KWASIZA
EKIZIBU
ETTEEKA

ABALALA
EMPULIRA
EKITIIBWA
LEMERERWA
OKWESAMBA



EBIBUUZO N'ENNYANUKULA

(By'abayizi abakulu)



1. Mateeka ki ekitundu kyo kye galina agalagira okuyamba abantu abali mu bwetaavu? Mwogere ku ngeri amawanga ag'enjawulo okwetoloola ensi yonna bwe galina amateeka agatali mawandiike. Mu buli kitundu mujja kubaamu amateeka agatali mawandiike mangi. Olina okuwa omunaku asabiriza? Omukadde bw'agwa ku kkubo, abantu bayimirira ne bamuyamba? Omwana bw'abula, abantu bayamba okumunoonya?
2. Mu kitundu kyo, ngeri ki abantu ze bakozesa okugamba nti, "Ekyo si kizibu kyange" era ne bagaana okuyamba? Mwogere ku mateeka g'ekitundu kyammwe era ne wwa abantu we bagambira nti tebetaaga kuyamba. Ng'ekyokulabirako mwogere ku kiki Katonda ky'atusuubiram.
3. Obumu mu mubiri gwa Kristu bufaanana butya? Mwogere ku butya amakanisa mu kitundu kyammwe bwe gandifaananye singa gaali bumu era nga gakolera wamu okutuukirira ensi ya Yesu Kristu.

MU LINGI

Funa omuntu gw'oyamba naddala nga "si kizibu kyo". Wa masiikiini w'okuluguudo, oba omwana ku ssomero eyetaaga ekkalaamu empya. Kakasa nti si wa luganda lwo era si buvunaanyizibwa bwo oba kibadde tekikukakatako kumuyamba.

Seetaaga kuyamba
muntu yenna,
kuba LABA!
Sirina na ngeri
gye nfaanana! Ndi
kantuntu!



EKISA -VS- ETTIMA

Olugero Iwa Baibuli: Eseza awonya abantu be
Eseza 3-5

KATEMBA

Fred Omusiru anyiigire muganda we era amubbeko eky'okuzannyisa kye ky'asinga okwagala. Willie Omugezi ayogere ne Fred ku mirundi muganda gy'agabanye naye eby'okuzannyisa ne swiiti era amujukize nti ayagala nnyo muganda we. Fred alabe nga mu butuufu talina nsonga lwaki asunguwala era akite.

ESSOMO EKKULU

Wiiki eno tuja kuba tutunuulira ekisa n'ettima. Ettima bwe bwagazi bw'okulumya oba okutuusa obulabe ku muntu olw'obukyayi oba obutayagaliza. Ettima lireetera omuntu okutuusa obuvune ku muntu omulala mu bugenderevu.

Mu lugero lwa Baibuli olwa leero, Kamani ali mu kukola olukwe lw'okutta Abayudaaya. Mu kusooka yali anyiigidde Moluddekaayi olw'obutamuvunnamira. Naye bwe yakizuula nti Moluddekaayi Muyudaaya, n'asalwao obutatta Moluddekaayi yekka wabula n'abantu be bona mu kitundu kya Akasweru. Kyewuunyisa omutima gw'omuntu nga bwe guyinza okuddugala. Mu kifo ky'okutta omusajja omu eyali amuniizizza, Kamani yasalawo okutta ekika ky'abantu kiramba!

Emitima gyaffe gya ttima era twazaalibwa mu kibi. Kyetaagisa okuwangaalira ku kibala ky'Omwoyo okusobola okuwangula ettima lino ne tusobola okuwangaala n'abantu mu kisa. Ne kati mu nsi muno mulimu abantu abaagala okutta ekika ky'abantu kiramba. Mu myaka 100 egiyise tulabye emirundi mingi ng'ekika ky'abantu ekimu kyagala okutta ekika ekirala. Mu mirundi egisukka mu gumu abantu baagadde okutta Abayudaaya bona! Kya mukisa mulungi nti mu lugero luno Kamani yaziizibwa okutuukiriza ettima eryali mu mutima gwe.

Moluddekaayi yagenda ewa Nnaabagereka Eseza n'amusaba agende ewa


Kabaka amwegayirire Abayudaaya baleme kuttibwa. Yasaba buli omu okusaba n'okusiba okumala ennaku 3 n'amala n'agenda ewa Kabaka. Yategeka ebijjulo 3 eby'okuwa Kabaka ne Kamani era ku kijjulo ekyokusatu n'alambika olukwe lwa Kamani olw'okutta Abayudaaya bona. Nnaabagereka Eseza yeewaayo okutaasa abantu be era Katonda n'amuwa omukisa. Yalaga ekisa eri abalala era n'abawonya obubi bwa Kamani.

Tuyinza obutatuuka mu mbeera enzibu ng'eyali mu lugero luna naye ettima n'emyyoyo emibi mwegiri mu kitundu kyaffe. Tusobola okusalawo okuba ab'ekisa n'okulwanyisa ettima erijjudde mu nsi yaffe?

AKAZANNYO K'OLUNYIRIRI LW'OKUJJUKIRA

Okuyisa Ensawo Y'ebijanjaalo

Abaana batuule wansi ku ttaka nga bakoze enkulungo. Wandiika olunyiriri ku lubaawo abaana webasobola okululabira. Omwana asooka ayise ensawo y'ebijanjaalo (ekipapula ekizingezinge, ddole, etc.) agiweereze amuddiridde. Aba akutte ensawo y'ebijanjaalo asome ekigambo ekiddako mu lunyiriri. Okwongera okukalubya ensonga, abayizi bakkirize okukasuka ensawo eri yenna gwe baba baagadde naye ayogere ebigambo ebiddako.



ENNYANUKULA Y'AKAKUNIZO

E	T	T	I	M	A	A	K	G	O
N	W	L	B	G	N	B	O	L	B
K	I	U	A	W	E	A	M	U	U
W	I	M	T	E	K	Y	U	M	V
E	K	Y	E	G	G	U	L	O	U
K	I	A	M	W	E	D	A	B	N
I	O	K	U	T	T	A	L	U	E
S	A	B	A	Y	U	A	A	L	S
A	K	O	L	A	K	Y	L	A	E
K	A	M	A	N	I	A	Z	B	Z
Z	A	B	A	Z	I	B	U	E	A



(By'abayizi abakulu)


EBIBUUZO N'ENNYANUKULA

1. Lwaki Katonda tasaanyaawo bantu ba ttima mulundi gumu? Katonda ayagala buli omu era abeera n'essuubi nti abantu bano bajja kwenenya baleke emize gyaabwe era badde gy'ali. Okwagala Katonda okusaanyaawo abantu b'ettima kya bulabe kuba abasinga muffe tukwese obubi mu mitima gyaffe era naffe tuba tusaanyizibwawo.

2. Kumpi buli ggwanga lyali ligezezaako okusaanyaawo ekika ky'abatu kiramba. Lugero ki olukwata ku ggwanga lyo? Amawanga agamu gatta abantu baago bakansangwawo era kat gagezaako okukweka amazima gana. Kola okunoonyereza mu byayita by'eggwanga lyammwe osobole okugabana n'abaana ebyafaayo bino. Ekkulu kya kulaga nti engero za Baibuli nydingi zifaanagana n'engero za leero. Ettima lyali mu mitima gy'abantu mu biseera biri, ne katli likyalimu.

3. Abaana bazaalibwa nga batukuvu nga tebalina kibi? Baibuli etugamba nti tuzaalibwa mu kibi ekitegeeza nti n'abaana bazaalibwa si batukuvu era baba n'ekibi mu mitima gyaabwe. Katli omwana bw'aba si mutukuvu era nga azaalibwa mu kibi nga Baibuli bw'egamba, kitegeeza nti ajja kugenda mu gyeena? Abasinga tebaagala kino kukikkiriza era basuubira nti abaana abato baba n'akaseera nga batukuvu. Naye ffenna tumanyi abaana b'omwaka 1 oba 2 abakola empisa embi era ne batukaka okubagunjula. Ekibi kiyingira ddi mu mitima gyaffe?

ESEZA
EKISA
LUMYA
ENKWE
ETTIMA
BAZIBU
KAMANI
OKUTTA
BATEMU
OBUVUNE
OBULABE
OMULALA
EKY'EGGULO
ABAYUDAAYA




Aah! Kiruma
abantu bwe
bampisa obubi.



MU LINGI

Taasa omuntu wiiki eno ali mu kuyisibwa obubi omuntu omulala awatali nsong. Buli lwe tutasa omuntu omulala tuba tulwanyisa ekibi kino mu mitima gyaffe. Waayo ekitiibwa kyo okutaasa omuntu omulala.






OBULUNGI -VS- OBUTAFAAYO

Olugero Iwa Baibuli: Sodoma ne Ggomola
Olubereberye 18:16-33

KATEMBA

Willie Omugezi ne Fred Omusiru bayombe. Willie ayagala kuyita omulenzi omupya ku ssomero aggye bazanny. Fred agambe nti tebimukwatako kuba n'omulenzi tamumanyi. Willie amugambe nti balina okweyisa obulungi eri omulenzi ono yadde tebannaba kufuuka ba mukwano era amuwe ekirabo.



ESSOMO EKKULU

Wiiki eno oluwana lwaffe luli wakati w'obulingi n'obutafaayo. Okweyisa obulungi kitera okulaga engeri omuntu gye yakuzibwaamu. Naye empisa ennungi zitwaliram u okufaayo eri abantu abalala. Wano obutafaayo webujjira ne bwagal u okuzibikira okuyisa obulingi abantu. Obutafaayo bungiriza okwagala, empulira ennungi oba essanyu. Kino kireeta obutafa ku nsonga ezikwata ku bantu balala.

Baibuli engamba nti lunaku lumu Katonda yennyini yalabikira Ibulayimu. Ibulayimu yali ayimiridde ku muti n'alyoka alaba abasajja basatu. Waaliwo bamalayika babiri era owokusatu yali Mukama yennyini (Olubereberye 19:1, 18:1,13,17,20,26,33). Bwe yamala okubaliisa, baamuwa ebisuubizo eby'enjawulo era ne bagabana naye entegeka zaabwe. Okwonoona kwali kuyitiridde mu bibuga ebibiri era Katonda yali azze okuva mu ggulu okusaanyaawo ebibuga bino, Sodoma ne Ggomola. Ibulayimu yabuuza nti, "Olizikiriza abatuukirivu awamu n'ababi? Mpozzi mu kibuga mulimu abatuukirivu ataano: olizikiriza ekifo n'otokisonyiwa ku lwa'abatuukirivu ataano abakirimu?"

Kisanyusa nnyo okulaba Ibulayimu nga alaga okufaayo eri abalala. Obutafaayo bwandi wulidde ennaku okuba ng'ekibuga kigenda kusaanyizibwaawo naye ne butabaako kye bukolawo. Obutafaayo bwandi gambye, "Ekyo si kizibu kyange." Bwandi gambye nti, "Ekirungi nze sibeera eyo." Naye Ibulayimu ye


yagenda ewa Mukama n'amusaba obutasaanyaawo bibuga bwe muba mulimu abatuukirivu 50. Mukama ne Ibulayimu baagenda mu maaso nga boogerezeganya nga Ibulayimu yeeyongera obuvumu buli kadde. Yasooka kusaba Mukama okusaasira ebibuga ol'abatuukirivu 50 n'asigala ng'akendeeza omuwendo gw'abatuukirivu. Yaddamu n'asaba okusaasira ol'abatuukirivu 40, 30, mpaka ku 20. Ibulayimu n'amala n'abuuza Katonda nti, "Singa mubaamu 10 bokka?" Katonda yamala n'akkiriza okusaasira ebibuga singa mubaamu abatuukirivu 10. Bwe baamala okwogerezeganya Ibulayimu yadda awaka. Ekyennaku, temwaalimu batuukirivu 10 era Katonda n'asalawo okusaanyaawo ebibuga ebyo. Ibulayimu yalina ab'ekika mu Sodoma: Lutti n'ab'ekika kye. Bamalayika ba Mukama baagenda mu maka ga Lutti ne babayamba okufuluma ekibuga. Awo Mukama n'asindika omuliro ne gusaanyaawo ebibuga n'ekitundu kyonna.

Ibulayimu yassa obulamu bwe mu matigga okusobola okutaasa abalala. Yalwanyisa obutafaayo okusobola okuba n'omutima omulungi; yali muntu afa ku balala. Osobola okulwanyisa obutafaayo n'obuggy mu bulamu bwo n'otandika okufaayo eri embeera y'abo abakwetoolodde?

AKAZANNYO K'OLUNYIRIRI LW'OKUJJUKIRA

Yolesa

Mu kifo ky'okusoma, abayizi boolese olunyiriri nga bayita mu bikolwa oba katemba. Kano akazannyo kalungi nnyo kuba kacacula amaaso, amatu n'omubiri.



ENNYANUKULA Y'AKAKUNIZO

K	C	A	M	U	K	A	K	A	T	O	N	D	A	O	O
E	B	U	T	A	F	A	A	Y		K	Y	E	K	K	
S	B	A	K	E	K	I	S	A	Z	M	B	W	O	U	W
S	U	L	A	N	G	O	B	U	L	U	N	G	I	F	A
O	T	A	M	B	W	A	N	D	I	T	E	K	C	A	G
M	A	L	A	Y	I	K	A	E	B	I	B	U	G	A	
O	B	A	I	B	U	L	A	Y	I	M	U	M	O	Y	L
S	A	A	N	Y	A	A	W	O	Z	A	W	O	D	O	A

EKISA
 CAMUKA
 MUKAMA
 ESSOMO
 EBIBUGA
 OMUTIMA
 OBUTABA
 ABALALA

OBULUNGI
 OKUFAAYO
 OKWAGALA
 MALAYIKA
 IBULAYIMU
 SAANYAAWO
 OBUTAFAAYO



(By'abayizi abakulu)

EBIBUUZO N'ENNYANUKULA

1. Oyinza kukola otya singa Mukama akyala mu maka go? Kiba kya ssanyu lyenkanidde wa Mukama okukukyalira? Osanga oyinza okumufumbira ekijjulo eky'amaanyi oba n'omutwala mu wooteri ey'ebbeeyi, n'omwalira obuliri oba n'oyita ab'oku kkanisa okuggya ne musinziza wamu.
2. Butafaayo bwa kika ki obuli mu kitundu kyo? Abantu batera okugamba nti, "Ekyo si kizibu kyange?" Mwogere ebikwata ku kitundu kyammwe n'enegeri baliraanwa gye bayinza obutayagala kwenyigira mu kuyamba bantu balala mu kaseera k'emitawaana. Singa weenyigiramu, bayinza okukuwa ekibonerezo?
3. Bamalayika ba ddala? Mulimu malayika mu kibiina kyaffe essaawa eno? Mwogere n'abayizi bo okulaba oba mukkiririza mu malayika. Basobola okulaba malayika singa abaddemu mu kibiina? Munoonye ennyiriri mu Baibuli ezoogera ku bamalayika okwongera okumanya ebibakwatako.

MU LINGI

Saba Katonda akwongere okwagala mu mutima gwo eno wiiki. Nonya ekintu ky'oyinza okukolera abalala okwongera okulaga okwagala gye bali. Kyalira obusumba oyige biki bye bakola, weereza mu kifo ekiriisa abanaku, oba laba obutambi obulaga obwetaavu bw'abantu okwetoloola ensi. Weenyigire mu buli kimu ky'osobola.



Lwaki nnina okufa ku muntu omulala? Nange nnina ebizibu byange mu kinnya kino!



OBULUNGI -VS- OBUBI

Olugero Iwa Baibuli: Kerode ne Yokaana Omubatiza
Lukka 3:18-20, Matayo 14:1-12

KATEMBA

Willie Omugezi ne Fred Omusiru bawulire ku laadiyo nti waliwo abantu abattiddwa abatemu. Fred ave mu mbeera nga yeekwese mabega wa bulangiti. Willie amujjukize nti Katonda buli kimu y'akifuga era ekibi kijja kuweebwa ekibonerezo n'ekirungi kigabirwe empeera.

ESSOMO EKKULU

Obubi bungi mu nsi muno. Abantu ssaawa yonna basobola okutulumya naye tusobola okwesiga Katonda buli kadde. Okuva ekibi lwe kyayingira ensi, obubi bwayingira omutima gw'omwana w'omuntu. Abantu abamu babeera balwanyisa ekibi okusobola okuwangaala obulamu obulungi. Naye abamu tebakirwanyisa era banyumirwa okuwaangalira mu bulamu obw'okwonoona. Ffenna twetaaga okulwanyisa obubi mu mitima gyaffe; ne bwe buba butono, mwe buli.

Mu lugero iwa Baibuli olwa leero, tulaba omusajja awangaalira mu bulamu bw'ekibi. Kerode yakola ebintu ebibi bingi naye Yokaana Omubatiza bwe yamugambako, Kerode yasiba Yokaana mu kkomera!

Kerode yali atutte mukyala wa muganda we Kerodiya n'olw'ekyo Yokaana n'amunenya. Awo Kerode n'amukwata n'amusiba. Mu kujaguza amazaalibwa ga Kerode, muwala wa Kerodiya yazina mu maaso g'abantu era Kerode n'asanyuka nnyo n'amusuubuza okumuwa kyonna ky'ayagala. Kerodiya yagamba muwala we asabe Yokaana Omubatiza okuttibwa. Kerode yalaba nga talina kya kusalawo era n'akikola. (Abayizi abakulu osobola okubabuulira nti yasaba omutwe gwa Yokaana Omubatiza guleetebwe ku kabaga nga guli ku lusaniya.)

Kyali kibi nnyo ekyatuukawo mu lugero iwa Baibuli luno. Naye, Yokaana Omubatiza yali amaze okutuukiriza Katonda kye yamusaba, okutegeka ekkubo lyu Mukama.


Baibuli erambika bulungi nnyo nti waliyo eggulu ne gyeena. Bwe twesiga Katonda okutulokola nga tuyita mu kukkiriza Mukama waffe Yesu Kristu, tumanyi nti tujja kugenda mu ggulu. Abaliba tebakkirizza bajja kugenda mu gyeena. Tujja kubbeera emirembe n'emirembe mu ggulu oba gyeena.

Gano mawulire makulu kuba ffenna tuisinkana abantu ababi. Kimalamu nnyo amaanyi okulaba omuntu omubi ng'agenda mu maaso n'okukola ebintu ebibi ennyo naye nga tewali amukuba ku mukono. Naye kizzaamu amaanyi okumanya nti obutali bwenkaya bukoma wano ku nsi. Bwe tuli mala okufa tujja kuba ba ddembe singa tuba twesize Yesu Kristu okutulokola. N'olw'ekyo ndi mumativu nti yadde obubi bunneetoolodde, tebusobola ku kwata ku mwoyo gwange. Busobola okulumya omubiri gwange n'okunzita naye bwe ndigenda mu ggulu awali Yokaana Omubatiza, nja kuba mponye obubi bwonna.

AKAZANNYO K'OLUNYIRIRI LW'OKUJJUKIRA

Omupiira Gw'oluyimba

Muyige olunyiriri olusooka nga muyita mu kuludding'ana emirundi egiwera oba nga mukozesa obumu ku buzannya. Ssaako oluyimba abaana batandike okuyisa omupiira okwetoloola ekibiina (etteeka liri, "tokasuka mupiira"). Oluyimba bwe luyimirizibwa omwana akutte omupiira ayogere olunyiriri okuva mu mutwe oba alonde agenda okulumusomera. Mugende mu maaso mpaka nga buli omu afunye omukisa ogusoma olunyiriri okuva mu mutwe.




ENNYANUKULA Y'AKAKUNIZO

G	G	O	M	U	T	I	M	A	O
Y	E	S	U	G	E	E	Y	W	K
E	Y	E	S	A	G	G	O	E	U
K	E	R	O	D	E	G	K	E	S
A	E	O	B	U	K	U	A	S	A
T	N	G	U	K	A	L	A	I	L
O	A	O	B	U	L	U	N	G	I
N	G	E	I	E	E	N	A	E	R
D	A	B	A	S	A	J	J	A	W
A	O	M	U	B	A	T	I	Z	A



OBUBI
KERODE
TEGEKA
YESU
EGGULU
GEYEENA
WEESIGE
KATONDA
OMUTIMA
YOKAANA
ABASAJJA
OBULUNGI
OMUBATIZA
OKUSALIRWA



EBIBUUZO N'ENNYANUKULA

(By'abayizi abakulu)

1. Eggulu liriba litya era ani aligendayo? Mu ggulu tewajja kubeera kufa, kwonoona, kiro, bulumi, katalagga naye wajja kubearayo ensi empya, Yerusaalemi empya, amayumba, okusinza, okuyimba n'essanyu. Tujja kufuna empeera yaffe eyatusuubizibwa ng'esinga ekyo kye twaalii tuteebereza. (Tetujja kuba nga tuseeyeya mu bire, kusuna ndonga nga tetumanyi kiki kya kukola okuyisa akadde.) (Lukka 15:10-32; 20:36; Okubikkulirwa 5:8,9;7:16,17; 14:2,3;15:2,3; 21:4,25;22:5)

2. Geyeena eriba etya era ani aligendayo? Baibuli etugamba nti geyeena eribaamu ebiwoobe n'okukaaba awamu n'okulumma amannya nga kw'otadde ekifo ky'omuliro ogw'olubeerera. Abantu bajja kugendayo singa balifa nga tebeesize erinnya lya Mukama waffe Yesu Kristu okubalokola. (Malaki 4:1; Matayo 13:42-50, 16:18; Okubikkulirwa 9:2, 12, 20:14)

3. Ebintu ebibi abantu bye bankola bisobola okulumya omwoyo gwange? Obubi ku nsi busobola kulunya mibiri gwaffegyokka (Matayo 10:28). Okuggyako nga tubikkirizza okukwata ku myoyo gyaffe. Mwogere n'abayizi bo ku kiki obusungu n'obutasonyiwa kye buyinza okukola emyoyo gyaffe. Mwogere ku ngeri gye twanukulamu ebibi ebitukoleddwaako bw'eyinza okukosa emyoyo gyaffe. Abantu tebasobola kutukosa mu mwoyo okuggyako nga tubawadde olukusa.

MU LINGI

Tunula olabe awali obubi, wa awali omuntu ali mu kulunya munne awatali nsong. Funa engeri y'okwenyigira mu kuyamba omuntu atalina musango. Osobola okumuyamba okukozesa ekkubo eddala ng'adda awaka, okumuwa ekyemisana, oba okufunayo banno 4 abalala ne babeegattako nga mutambula.

Nali simanyi nti abantu basobola okuba n'ettima eryenkanidde awo. Kiyinza okuntwalira akaseera okuva wansi w'akazito kano.



KATEMBA

Willie Omugezi ne Fred Omusiru batandike okudduka emisinde. Willie abeere ng'ali mu maaso. Fred akwate essaati ya Willie amusike agwe wansi asobole okumuyisa. Fred bamugobe mu mpaka.

OLUNYIRIRI LW'OKUJJUKIRA

"Temukolanga kintu kyonna olw'okuyomba newakubadde olw'ekitiibwa ekitaliimu, wabula mu buwombeefu buli muntu agulumizenga munne okusinga bwe yeegulumiza yekka." Abafiripi 2:3

ESSOMO EKKULU

Wiiki eno essomo lyaffe likwata ku Obulungi ne Ebibruubirirwa By'okwegulumiza. Ekiruubirirwa kitegeeza "obwagazi obw'amaanyi omuntu bw'aba nabwo okutuuka ku kintu oba okufuna ekintu ng'obuyinza, ekitiibwa, okumanyika, obugagga era n'obumaliruvu bw'aba nabwo okukituukiriza." Twandiyagadde okulowooza nti okuba n'ebiruubirirwa kirungi naye tulina okwegendereza mu nsongwa eno. Olugero Iwa Baibuli olwa leero lukwata ku munaala gwa Baberi. Luno lugero lwa ddala Katonda mwe yasalirawo okubuzabuza abantu bensi kuba baali balina ebiruubirirwa eby'amaanyi. Baali baagala kumanyika n'okwekolera erinnya. Baibuli etugamba nti nga bino tebinnabaawo bona baali boogera olulimi lwe lumu era nga bawangaalira ku ludda lumu olwensi. Naye Katonda bwe yalaba ebiruubirirwa byabwe eby'okwegulumiza nga bayita mu kuzimba ekibuga n'omunaala omunene, yababuzabuza mu nnimi era ne basaasaana mu bitundu eby'enjawulo mu nsi.

Ekikulu kiri nti Katonda yennyini ye yeng'aang'a abantu bano. Buno tebwaali bulumbaganyi okuva eri Setaani oba abantu ababi. Wabula,



Katonda kino ye yakikola. Naye, lwaki? Baibuli emu egamba nti, "Baali baagala kwekolera lerrinya." Waliwo oluyimba lw'okutendereza olwa Chris Tomlin, "Whom shall I fear?" ekitegeeza nti, "Ani gwe mba ntya?" Oluyimba luno lwogera ku magye ga bamalayika abatulwanirako. Kisanyusa nnyo okumanya nti tewali ayinza kutweng'aang'a nga Katonda ali ku ludda lwaffe. Naye olugero luno olw'omunaala gwa Baberi lulaga nti wayinza okubaawo akaseera nga Katonda TALI ku ludda lwaffe. Bwe tuba tulwana okwefunira ebitiibwa, obuyinza n'obugagga, Katonda tabeera ku ludda lwaffe. Ayinza n'okutulwanyisa nga bwe yakola abantu bano.

Mu bulungi mulimu okusigala ng'oli mukkakamu era nga weegendereza ebiruubirirwa ebijjudde okwegulumiza. Kino kikulu nnyo kuba tewandyetaaze Katonda kukweng'aang'a.

AKAZANNYO K'OLUNYIRIRI LW'OKUJJUKIRA

Olusozi Lw'eddoboozi

Abantu bona baawulemu ebibinja bisatu, okugeza; abasomesa, abalenzi n'abawala. Ekibinja ekimu kitandike n'okusoma ekigambo oba ebigambo ebisooka mu lunyiriri, tiimu eyokubiri eyongerezeeko, n'eyokusatu emalirize. Mugende mu maaso n'obuzannyo nga mukyusakyusa mu ngeri gye musomamu olunyiriri. Ebirowoozo: okwogera mu kaama, okuleekana, okwogera mu ddoboozi eddene, mangu nnyo, ng'ali wansi mu mazzi n'ebirala. Munyumirwe!



ENNYANUKULA Y'AKAKUNIZO

O	O	K	W	E	Y	A	G	A	L	I	Z	A	N	I
B	M	O	E	K	A	K	K	A	N	Y	A	K	A	L
U	U	L	N	I	N	J	A	W	U	L	O	U	Y	U
L	N	E	O	T	O	B	U	Y	I	N	Z	A	E	B
U	A	R	W	I	I	K	I	N	B	A	B	E	R	I
N	A	E	K	I	R	U	U	B	I	R	I	R	W	A
G	L	R	O	B	U	G	A	G	G	A	G	W	A	B
I	A	A	M	W	E	G	E	N	D	E	R	E	Z	A
K	F	U	N	V	O	B	U	M	A	N	Y	I	F	U




FUNA
BABERI
NJAWULO
OBUYINZA
OBULUNGI

KAKKANYA
KOLERERA
OBUGAGGA
OMUNAALA
EKITIIBWA

OBUMANYIFU
EKIRUUBIRIRWA
MWEGENDEREZA
OKWEYAGALIZA

EBIBUUZO N'ENNYANUKULA

(By'abayizi abakulu)



- Wa eby'okulabirako by'obumanyifu mu Bakristaayo. Olowooza nti abantu ebiseera ebimu baagala okwekolera amannya? Yogera n'abayizi bo nga Katonda bw'asobola okulaba ekiri mu mitima gyaffe n'ebigendererwa byaffe. Kino kiyinza okutwaliramu okuyimba, okuzina, okusuna endongo, okubulira enjiri n'okusaba. Mwogere ku kaseera wemuyinza okuba nga mwalaba omuntu eyali yeefuula nti asaba naye nga yali ayagala bantu kumulaba nti wa ddiini nnyo.
- Olowooza obulamu buyinza kukalubs kyenkana wa singa Katonda aba tali ku ludda lwo? Mwogere ku ngeri Abakristaay bwe tuyinza okulowooza nti Katonda ali ku ludda lwaffe. Naye olugero lwa Baibuli luno lutulaze nti singa ebiruubirirwa n'okwegulumiza biyingira mu mitima gyaffe, Katonda ajja kutulwanyisa. Mwogere ku mbeera eziyinza okukaluba singa Katonda aba azze ku ludda luli.
- Ngeri ki ze tuyinza okuyitamu okwekkakkanya nga Katonda tannaba kutukkakkanya? Bino by'ebimu ku birowoozo: ku ssowaani londa ko ekifi ekitono, omulimu omulungi guwe omuntu omulala, banno b'oba okoze nabo beebaze mukifo ky'okugamba nti gwe akoze buli kimu, wa omuntu omulala okuzannya mu kifo eky'amaanyi oba okusuna endongo.

MU LINGI

Tobaako ky'okola wiiki eno ekyongera ku bumanyifu bwo. Buli omukisa gw'okumanyika lwe gujja, gugaane. Buli lw'okola kino ojja kuba okubye ekibi kino eng'uumi.

Nze ndi wa bulabel! Bwe mba njagala ekintu, nkikolerera ne nkifuna!





KATEMBA

Fred Omusiru akwate ekibala ekivundu agezeeko okukakasa Willie nti kiramu yadde kirabika nti kivundu ne ku ngulu. Willie akisalemu okulaga nti bwe kiba kirabika ng'ekivundu ku ngulu ne munda kiba kivundu.

OLUNYIRIRI LW'OKUJJUKIRA

"Kyetuva tubasabira ennaku zonna, Katonda waffe abasaanyize okuyitibwa kwammwe, era atuukirize n'amaanyi buli kye mwagala eky'obulungi na buli mulimu ogw'okukkiriza." 2 Abasesalonika 1:11

ESSOMO EKKULU

Obukyafu kye kintu ekyonoona obutukuvu bw'ekintu kyonna. Mu mbeera eno emitima gyaffe gye twandiyagadde okuba emitukuvu era nga n'ebikolwa byaffe biraga ekiri mu mitima gyaffe. Okugeza, singa ebikolwa byo biba si bitukuvu, tumanya nti mu mutima gwo mulimu obukyafu. Mu lugero lwa Baibuli olwa leero, Yusufu yali agezaako okuba n'ekibala ky'Omwoyo kye tuyita "Obulungi," naye mukyala wa Potifali ng'ayagala okumuzza wansi n'obukyafu.

Yusufu bwe yatundibwa baganda be mu buddu, yatwalibwa e Misiri n'agulwa Potifali, eyali akulira abakumi. Yalina ebirooto by'obuwanguzi naye yafunamu kirala nnyo. Ng'omuddu, Katonda yawa Yusufu omukisa era mukamaawe n'amwagal. Potifali yakwasa Yusufu obuvunaanyizibwa bwa buli kimu mu nnyumba. Yusufu yalina omubiri ate ng'alabika bulungi era mukyala wa mukamaawe kino yakiraba. Yatandika okumusikiriza era n'amusaba okukola ekibi naye Yusufu n'agaana. Yali amuondera buli kanaku naye Yusufu ng'amuddukako.


Lunaku lumu yasika ekkanzu ye naye Yusufu n'adduka n'agimulekera. Omukyala ono yatereka ekkanzu eno. Bbaawe bwe yakomawo, yawaayiriza Yusufu. Potifali yanyiiga nnyo era n'agoba Yusufu nga kw'otadde n'okumusibira mu kkomera! Yusufu yaddamu okuba ng'ali wansi era nge yeebuua ddi Katonda lwali tuukiriza ebirooto bye yafuna ng'akyali mwana muto. Katonda yaddamu n'awa Yusufu omukisa n'atutumukira mu kkomera.

Kikulu nnyo okumanya nti Yusufu yali talina nsobi gy'akoze. Omuntu yenna bw'akulumba, ggwe oba tosobezza. Ye y'aba akusobezza. Katonda tatutunuulira ng'ebintu ebyonooneese oba ebitakyalina mugaso. Katonda atunuulira mitima gyaffe. Okusinziira nti Yusufu yasigala mutukuvu mu mutima gwe era n'adduka obukyafu, Katonda yasigala amuwa omukisa. Abantu bayinza okukusobya naye tebasobola kutwala mutima gwo. Oggwo ggwe wekka asobola okugubagabira. Singa tukuma emitima gyaffe mu kaseera akazibu oba akangu tusobola okusigala nga tuli batukuvu era ne tuwangula obukyafu!

AKAZANNYO K'OLUNYIRIRI LW'OKUJJUKIRA

Sangula Ekigambo

Wandiika olunyiriri lw'okujukira ku lubaawo. Genda ng'olunyiriri olusangula kigambo kimu ku kimu. Buli lw'osangulawo ekigambo, abaana bagambe olunyiriri balusome mu bujjuvu.



ENNYANUKULA Y'AKAKUNIZO

K	Y	A	F	U	W	A	Z	A	Y	Z	S	G	Y	A	F	F	E
E	M	I	T	I	M	A	K	Y	U	K	I	T	U	K	U	V	U
M	U	K	Y	A	L	A	T	E	S	N	G	A	G	Y	A	L	I
W	N	O	B	U	K	Y	A	F	U	N	A	Y	E	E	U	V	U
A	D	E	R	A	P	O	T	I	F	A	L	I	N	S	K	I	T
L	A	G	A	O	B	U	D	D	U	B	A	I	B	U	L	I	W




YESU
LAGA
SIGALA
MUNDA
EMITIMA
YUSUFU
OBUDDU

POTIFALI
MUKYALA
KITUKUVU
OBUKYAFU
KYAFUWAZA
BAIBULI

(By'abayizi abakulu)

EBIBUUZO N'ENNYANUKULA

1. Kiki ky'olwooza ku bayizi abalala mu ssomero lyo abalina abalenzi oba abawala be baagala? Mwogere ku muwendo gw'abayizi abaagalana. Abayizi bo bawulira bubi okuba nga tebalina be beeyagala nabo? Balina nteekateeka ki? Baasuubira okufumbirwa abalenzi oba abawala abo?
2. Ggwe olowooza olabika bulungi oba nedda? Abayizi bwe bamaliriza okuseka, mwogere ku biki Katonda by'atunuulira nébyo abantu bënsi bye batunuulira ebikwata ku ndabika oba obulungi bw'omuntu. Mwogere ku bintu abantu bye banoonya oba bya makulu eri Katonda. Gezaako nnyo obutadda mu kubabuulira njiri wabula muwunzike nga mukitegedde nti Katonda afa ku kiki kiri mu mitima so ssi ndabika y'oku ngulu.
3. Omuntu bw'aba alumiziddwa, kino kitegeesa nti takyali wa mugaso oba si mutukuvu? Abasomesa, ekibuuzo ekituufu kiri nti, "omuntu bwe baba bamusobezzaako..." era nkimanyi nti eno ensonga si nnyangu. Mu mpapula z'abayizi ekigambo "okusobyaaako" tetukizosezza ol'obutayagala kutiisa bayizi. Naye tukusaba obeera n'obuvumu okukyogerako n'abayizi bo singa abatwala ekkanisa baba tebakigaanye. Okwetoloola ensi abantu banenyezebwा ol'webyo ebiba bibatusiddwako abantu abalala. Abaan abato bangi abasobezeddwaako mu ngeri emu oba endala. Eno ensoga abayizi bo bagyetaaga kuba egenda mu maaso mu bitundu byabwe! Mu lugero lwa Baibuli olwa leero, Yusufu yawaayirwa nti yasobya ku mukyala wa Potifali. Kozesa olugero luno okuggulawo okutesaganya ku nsongwa eno era okukyusa obulamu bw'abayizi bo. Olowooza Katonda alaba Yusufu ng'omukyafu, atakyalina makulu oba atali mutukuvu? NEDDA! Katonda akimanyi nti Yusufu teyakikola. Omukazi ye yalumba Yusufu. N'ekirala, Katonda atunuulira mitima gyaffe. Omuntu omulala bw'aba y'akulumbye, gwe oba toyoononese. Ye y'aba omukyafu. Ggwe oba tolina musango. Singa omusonyiwa, ojja kuba neddembe okuwangaala obulamu obulungi era ng'oli mutukuvu ewa Katonda.



MU LINGI

Labirira omutima gwo wiiki eno. Omuntu bw'aba alina ky'akukoze, jjukira nti ye y'asobezza so si ggwe. Buli lunaku ng'oli mu ssaala gamba nti, "Ndi mutukuvu gy'oli, ai Katonda." Bw'oba olina ky'osobezza eri omuntu yenna, saba omuntu oyo ne Katonda ekisonyiwo. Bw'omala saba nti, "Ndi mutukuvu gy'oli, ai Katonda."

Nsobola okudduka okuva mu mbeera eno nga mpita mu kulinnya eddaala lino?





ENSULO YO EY'EBIKOZESEBWA MU BUSUMBA BW'ABAANA

www.ChildrenAreImportant.com



Ebikozesebwa byaffe bya bwereere
okufuna, okukuba ku mpapula, okukozesa,
n'okusaasaanya eri amakanisa n'obusumba
bwonna nga teweetisse buvunaanyizibwa.

Tewali kigaana kuggyamu kopi.
Yee! Genda mu maaso ofulumye omuwendo
gwonna gw'oyagala. Osobola n'okubitunda!
Bijja kubeera bya bwereere ku mukutu
gwaffe ekiseera kyonna.

KUBA TUTUUKIRIRA ABAANA BANGI KU
LWA KRISTU BWE TUROLERA AWAMU.

Teacher 2 Champions
Luganda



www.ChildrenAreImportant.com
info@childrenareimportant.com
Tusangibwa mu Mexico.

Abaana
Kikulu